

ԼԵՎՈՆ ԽԱԶԻԿՅԱՆ

ԳՐԻԳՈՐ ՊԱՐԹԵՎԻՆ ՎԵՐԱԳՐՎԱԾ «ՀԱՐՑՈՒՄԸ», ՈՐՊԵՍ ՀԱՅ  
ՄԱՏԵՆԱԳՐՈՒԹՅԱՆ ԵՐԱԽԱՅՐԻՔ

1.

Հայ մատենագրության հնագույն արտադրանքների շարքում իր պատվավոր տեղն ունի Եղնիկ Կողբացու իմաստասիրական աշխատությունը, որը բանասիրությանը հայտնի է «Եղծ աղանդոց» խորագրով:

Այն գրավել է և շարունակում է զրավել Հայ ու օտարազգի դիտնականների ուշադրությունը՝ որպես Հայ դասական լեզվի անգերազանցելի հուշարձան և Հայ իմաստասիրական գրականության առաջին ինքնուրույն երկասիրություն:

Եղնիկի ուսումնասիրողներն զրավել են նրա աղբյուրների հարցով և առայսօր հայտնաբերել 10-ից ավելի երկեր, որոնց հումարնն ընազրերը, հաճախ ընդարձակ ու բառացի մեջբերումներով, տեղ են դաւել Եղնիկի գործի մեջ:

Դեռևս 1889 թվականին «Բազմավեպի» էջերում հրատարակած «Եղնիկ և յուր երկասիրությունն» հոդվածում Հ. Թորոսյանն անվիճելի փաստերով ապացուցեց, որ Եղնիկի Գ գրքի Դ—Ե հատվածները, որոնցում քննարկվում են պյութագորյանների, պլատոնականների, ստոիկյանների, եպիկուրյանների և այլոց ուսմունքները<sup>1</sup>, բառացի քաղված են Եպիփան Կիպրացու «Ընդդէմ հերձուածոց» գրքից<sup>2</sup>:

Արժեքավոր էին նաև Հ. Թորոսյանի դիտողությունները Եղնիկի և Բարսեղ Կեսարացու «Մեկնութիւն վեցօրէից» աշխատության առնչությունների մասին:

Հ. Թորոսյանն իր ապացույցները բերում էր Եպիփանի լատիներին թարգմանությունից: Քիչ անց, 1892 թվականին, նույն աշխատանքը, այս անգամ արդեն համեմատելով Եղնիկի Գ գրքի, Դ, Ե և Դ գրքի ԺԶ հատվածները (1826 թ. հրատարակություն, էջ 204, տող 6—208, տող 2, 296, տող 18—297, տող 15) Եպիփանի հումարն ընազրի համապատասխան հատվածների հետ, կատարեց Հ. Տաշյանը՝ «Խոսրովիկ և Գիրք հերձուածոց» հոդվածում<sup>3</sup>:

1919 թվականին լույս տեսավ Գ. Գալիմքյարյանի «Նորագոյն աղբերը Եղնկայ Կողբացու Ընդդէմ աղանդոց մատենին» արժեքավոր աղբյուրագիտական ուսումնասիրությունը, որով երկան հանվեցին Եղնիկի հետևյալ նոր աղբյուրները.

1. Արխատիդես Արենացու (II դար) «Ճատադովութիւն»-ը,

2. Բարսեղ Կեսարացու (IV դար) «Վեցօրէից մեկնութիւն»-ը,

1 Եղնիկի, Եղծ աղանդոց, Վենետիկ, 1826, էջ 204—208:

2 «Բազմավեպ», 1889, էջ 315—317:

3 «Հանդէս ամսօրեայ», 1892, էջ 294—295, 321—322:

3. Մերոդիոս Պատարացու կամ Օլիմպիացու (մհ. 312 թ.) «Վասն անձնիշխանութեան» աշխատությունը,

4. Հիպակուսոսից (III դար) մի փոքրիկ հատված:

Դիմ դիմաց հրատարակելով Մեթոդիոսի «Վասն անձնիշխանութեան» աշխատության հունարեն և Եղնիկի հայերեն համապատասխան հատվածները, որոնք «Եղծ աղանդոցի» 1826 թվականի հրատարակության 44 էջերի նյութն են կազմում, Գալեմքյարյանը գրում է. «Տեսնվեցավ ուրեմն որ Եղնիկ Ս. Մեթոդիոսի «Վասն անձնիշխանութեան» գիրքն ամբողջ, ի բաց առեալ Ա և Յ հատածները, ինչ-ինչ փոփոխությամբ՝ մինչև վերջը թարգմանած և յուր դորույն մեջ տեղավորած է. այսինքն առաջին մեծ մասն Ա գրքին մեջ՝ 40 էրես ի տպագրության (էջ 19—58) և վերջին մասն Գ գրքին մեջ՝ իրր 4 էրես (էջ 236—239)»<sup>4</sup>:

Եղնիկի փոխառած հատվածների համեմատությունը Մեթոդիոսի բնագրի հետ՝ հնարավորություն են տվել որոշելու մեր հեղինակի աշխատանքի մեթոդը: Լսենք դարձյալ Գալեմքյարյանին. «Եղնիկ,—գրում է նա,—յուր աղքեր այնպես ստրկորեն կապված է, որ կաշխատի առ հասարակ շշեղել աղքերեն: Աղքերեն շեղումներն, որոնց տեղ-տեղ հանդիսեցանք են՝ ա. հապավել, թողով այն մասերն, որ հուզված խնդրույն էապես շեն վերաբերիր, այլ տրամախոսական ձևին... բ. հավելով, որ միջոցին Եղնկա տկարությունը երեան կելլե. վասն զի հավելվածներն ամենքը կրկնություն կամ մեկնություն են... արդեն ըսվածներուն»<sup>5</sup>:

Իրավացի էր Գալեմքյարյանը, երբ գրում էր, թե կան հիմքեր ենթադրելու, որ Եղնիկի «գրության մեջ ուրիշ աղբյուրներ ալ ծածկված պիտի ըլլան» (էջ 87):

I. Մարիեսը, իր „Le Deo d'Ernik de Kolb connu sous le nom de „Contre les sectes“ (Paris, 1924) աշխատությամբ Եղնիկի աղբյուրների ցանկն ավելացրեց՝ Որիգենի, Դիոկորի, Ագամանտիոսի, Եփրեմ Սաորու, Իրինեոսի և այլոց անուններով:

Նշանավոր հայագետ Ն. Աղոնցը, Մարիեսի աշխատության առթիվ գրած «Քննական նշմարներ Եղնիկի մասին» ուշադրավ՝ հոդվածաշարում<sup>6</sup>, ֆրանսիացի հայագետի աշխատության գլխավոր արժանիքը համարում է հենց նոր աղբյուրների հայտնաբերումը, նշելով միաժամանակ, որ Եղնիկի և այս կամ այն հեղինակի նմանությունների մի մասը կարող են ընդհանուր զուգադիպումների արդյունք լինել, երկուստեք կապ ունենալով մի ընդհանուր մայր աղբյուրի հետ<sup>7</sup>:

## 2

Եղնիկի առաջին գրքի ԺԵ—ԻԷ հատվածները շատ բարձր են գնահատվում Աղոնցի կողմից: Դրանք,—գրում է նա,—«Ժողովրդական կենդանի միջավայրից առած թանկագին նյութեր են, որ բերում է Եղնիկն ու լուսաբանում,

<sup>4</sup> Գ. Գալեմքյարյան, Նորագոյն աղքերը Եղնկայ Կողբացոյ Բնողէմ աղանդոց մատենին, Վիեննա, 1919, էջ 80:

<sup>5</sup> Գ. Գալեմքյարյան, նույն տեղում, էջ 87:

<sup>6</sup> Տես «Բազմավելու», 1925 թ., № 7, էջ 196—200, № 10, էջ 294—298, № 12, էջ 366—371, 1926 թ., № 1, էջ 12—17, № 3, էջ 69—72, № 4, էջ 108—113:

<sup>7</sup> «Բազմավելու», 1925, էջ 294—295:

պայքարելով հին տեսությանց հետ, հայ ժողովրդի հավատալիքների և պաշտամունքների աշխարհին վերաբերյալ հնավանդ տեղեկություններ են, շողուն գոհարներ հայ ֆոլկլորի, որ փայլում են Եղնիկի էջերում»<sup>8</sup>:

Խոստանալով այդ նյութերի ուսումնասիրությունը կատարել առանձին հոդվածով՝ ն. Աղոնցն անհրաժեշտ է համարում նշել, որ Եղնիկի վերոհիշյալ էջերը «քաղվածո բնավորություն ունին և բացի արդեն հայտնի աղբյուրներից, ինչպես օր. Հիպակոլիտը, Եղնիկն օգտվել է նաև մի հին հիշատակարանից, որ կոշվում է «Հարցումն և պատասխանիք սրբոյն Գրիգորի Պարթևի»: Սորան է պարտական Եղնիկն մանավանդ հայ ֆոլկլորի վերաբերյալ թանկարժեք նյութերը»<sup>9</sup>:

Եղնիկի աղբյուր համարված «Հարցումն և պատասխանիք» այդ «հիշատակարանը», բնագրի Փրանսերեն թարգմանության և ուսումնասիրության հետ միասին, ն. Աղոնցը լույս բնծայեց իր խոստումից անմիջապես հետո՝ „Revue de l'orient chrétien“ պարբերականում<sup>10</sup>: Ալտեղ ասված է, որ խնդրո առարկա բնագիրը հրատարակվում է էջմիածնի մատենադարանի 4 ձեռագիր կանոնգրքերի հիման վրա: Տարիներ առաջ (հավանաբար՝ մինչև 1913 թ.) Գալուստ Տեր-Մկրտչյանը (Միաբան) ուղարկած է եղել Պետերբուրգ՝ ն. Աղոնցին՝ Մատենադարանի № 751 (այժմ № 659) ձեռագրում առկա Գրիգոր Պարթևի «Հարցման» ընդօրինակությունը մի տեսրակով, որի լուսանցքներում նշված են եղել 3 այլ ձեռագրերի ընթերցվածքները<sup>11</sup>: Դրանց հաշվառմամբ Աղոնցը կազմել է բաղդատական բնագիր, տողատակ նշելով ձեռագրական (ըստ մեծի մասին աննշանակ) տարբնթերցվածները:

Հրատարակությանն առընթեր ուսումնասիրության մեջ անվանի հայագիտը կրկին առիթ է ունենում անդրադառնալու ուշագրավ այդ բնագրի և Եղնիկի առնշությանց հարցին և հանգում է այն եղբակացության, որ մեծ հավանականությամբ՝ «Գրիգորի Հարցումը» հնության հազվագյուտ բեկոր է, որ իր ժամանակին մտել, կլանվել է զրեթե ամրողովին Եղնիկի գործի մեջ, բայց դիպվածով պահել է և իր անհատական գոյությունը, թաքնվելով կանոնգրքի ծալքերում»<sup>12</sup>:

Ի նպաստ այս եղբակացության բերվող ծանրակշիռ փաստերն ու դատողությունները մանրամասնորին շարադրված են ն. Աղոնցի ուսումնասիրու-

<sup>8</sup> «Բաղմագեպ», 1925, էջ 366:

<sup>9</sup> Նույն տեղում, էջ 366—367:

<sup>10</sup> Adontz N. Le questionnaire de saint Grégoire l'illuminateur et ses rapports avec Eznik (Revue de l'orient chrétien. Troisième série, tome V(XXV), 1925—1926, № 3 et 4, pp. 309—357).

Այս աշխատառիթյան ուսումնասիրական բաժնի հեղինակի իսկ կատարած թարգմանությունը լույս տեսավ «Հայրենիք» ամսագրում (1928 թ., № 7, էջ 72—81):

Նշենք այստեղ, որ Աղոնցին ծանոթ լնել եղել իր հրատարակած բնագրի այն հատվածները, որոնք տպադրվել էին գեռես 1873 թվականին Ա. Միհիթարյանի կողմից (տե՛ս Պատմութիւն ժողովոց Հայաստանեաց եկեղեցւոյ, հանդերձ կանոնադրութեամբ ի պէտս ժառանգաւորաց, աշխատասիրեալ Արէլ արքապիսկոպոս Միհիթարիանց, ի Վաղարշապատ, 1874, էջ 23—24. նույն նաև՝ «Կրաբառ», 1873, էջ 408—409):

<sup>11</sup> Այդ ձեռագրերն են՝ B—№ 761 (այժմ № 778), C—№ 458 (ըստ Գևորգյան ցուցակի, այժմ № 2886), D—№ 749 (այժմ № 657):

<sup>12</sup> «Հայրենիք», 1928, № 7, էջ 73:

թյան մեջ, որ և հղում ենք ընթերցողին<sup>13</sup>: Մեր կողմից սակայն, լրացման կարգով անհրաժեշտ ենք համարում նոր փաստեր մեջ բերել:

Եղնիկի աղբյուրներից շատերը տրամախոսական կառուցվածք են ունեցել: Այդպիսին է օրինակ, Մեթողիոս Օլիմպիացու «Վասն անձնիշխանութեան»-ը, Աղամանտիոսի «Յաղազս ուղիղ հաւատոյ յաստուած»-ը և այլք:

Ըստ որում, ինչպես նկատել է Գ. Գալիմքյարյանը ուսումնասիրելով Մեթողիոսից Եղնիկի արած քաղվածքները, «Եղծ աղանդոցի» հեղինակը ամեն կերպ ձգտել է փոխել իր աղբյուրի տրամախոսական ձևը («Եղնիկ», — գրում է նա, — յուր աղբյուրը բոլորովին կը լսե, և կաշխատի ամենայն եղանակավ յուր աղբեր տրամախոսական ձևը ջնջել»)<sup>14</sup>:

Ճիշտ նույն պատկերն ենք ստանում համեմատելով «Հարցումի» ու Եղնիկի զուգակշիռ հատվածները: «Հարցումի» մեջ կան այսպիսի տողեր. «Հարցումն. Մեղաւորք վասն մեղաց տանջին, իսկ աղայոց անմեղաց զի՞ տիրիցին դեք. Պատասխանի. Զամենայն մարդ յորդեղբութիւն կոչէ աստուած...» և այլն:

Այս նույն հատվածը Եղնիկի գրչի տակ ձևափոխվել ու ստացել է այսպիսի կերպարանք. «Այս ասացաւ վասն հարցանելոյ ոմանց, թէ մեղաւորք վասն մեղաց տանջիցին ի դիւացն, տղայոցն անմեղացն ընդէ՞ր տիրիցին դեք: Զամենայն մարդիկ յորդեղբութիւն կոչէ աստուած...» և այլն:

Ինչպես պարզ երևում է, առաջին աղբյուրում տրված է հարց և ապա նրա պատասխանը, իսկ Եղնիկի մոտ կա միայն ակնարկ այն մասին, որ «այս ասացաւ վասն նարցանելոյ ոմանց». «Հարցումի» տրամախոսական կառուցվածքի փոփոխության դեպքում միայն՝ շարադրությունը կարող էր ստանալ այսպիսի կերպարանք:

Այս կարդի փոփոխությունները շատ են: Մանոթանանք մի քանիսին.

### «Հարցումն»

### Եղնիկ

— Հրց. Դիւահարութեան պատճառ զի՞նչ է մարդկան.

— Եւ դիւահարութիւնք վասն հպարտութեան մարդկան լինին...

Պախ. Վասն հպարտութեան մարդկան լինի...

— Հրց. Մնունդը են դիւաց և մահ, աճեն և պակասեն:

— Եւ արդ քանդի անմարմինք են հրեշտակը և դեք, յայն սակա և ծնունդը ոչ զան նոցա... Նախ զայն տեսցուք, թէ բնաւ զուցե՞ն այլ ինչ արարածք բանաւորք քան զհրեշտակս և զդես և զմարդիկ...

Պախ. Նախ զայն տեսցուք, թէ զո՞ն այլ արարածք բանաւորք քան զհրեշտակս և զմարդիկ և զդես...

— Եւ ոչ որս երբէք՝ որպէս մարդկան՝ արարեալ վիշապաց, կամ առնիցին. և ոչ տաճարք իբրև մարդկան են նոցա ի բնակութիւն: Եւ ոչ զոք ի թագաւորագեցաց և ի դիւցազանց ունին կապեալ առ իւրեանս կենդանի, զի կեն-

— Հրց. Ասեն քաջաց և վիշապաց տեսարք (իմա՝ տաճարք) են ի լերինս բարձունս և բնակութիւնք, և զԱղէքսանդր կապեալ ունին ի Հռոմ և զԱրտաւանդ ի Մասիս և զԱրուանդ ի գետս և ի մառանս.

<sup>13</sup> „Revue de l'orient chrétien“, tome V(XXV), 1925—1926, № 3 et 4, pp. 341—349.  
«Հայրենիք», 1928, № 7, էջ 74—78:

<sup>14</sup> Գ. Գալիմքյարյան, նույն տեղում, էջ 86:

Պախ. Յորդոց մարդկան կենդանի դանիք ի մարմնաւորաց երկուն և եթ ևնովք և Եղիայ...

կան, ենովք և Եղիա...

Զուգակշիռ այս հատվածները նույնպես վկայում են այն մասին, որ սկզբնաղբյուրը «Հարցումն» է. Եղնիկը ջանք է թափում փոխելու իր աղբյուրի տրամախոսական կառուցվածքը, հարմարեցնելով այն իր երկասիրության ձևին: Ուշագրավ է հատկապես բերված օրինակներից վերջինը. «Հարցումի» հեղինակն այդ հատվածում հիշատակում է քաջերի ու վիշապների կողմից արգելափակված առասպելական հերոսներին (Աղեքսանդր, Արտավազդ, Արուանդ), իսկ Եղնիկը անունները չի տալիս, բայց ակնարկում է նրանց՝ «ոչ ոք ի թագաւորագեաց և ի դիւցազանց» արտահայտությամբ:

«Հարցումի» սկզբնաղբյուրը լինելը հաստատվում է նաև հետեւյալ փաստով. Եղնիկի «զժովացուն՝ զոր ի կովէ ելեալ ասեն, և զպայն իմն ի մարդկանէ, և զառլէզն ի շանէ» նախադասության սկզբնաղբում, այսինքն «Հարցումի» մեջ, այն շարունակված է «և զիսանդիռն ի յիշոյ, և զնահանզն ի ձիոյ» բառերով: «Խանդիռ» նորալուր առասպելական կենդանու անունը չի գործածված հայ մատենագրության որևէ այլ հուշարձանում: Հայ աղբյուրները, որոնց շարքում նաև Եղնիկը, անտեղյակ են կամ լուսմ են այն մասին, որ նհանզը ձիու հատկանիշներով է պատկերացվել ժողովրդի կողմից, ուստի և «Հարցումի» հեղինակն այդ տվյալները չէր կարող քաղած լինել Եղնիկից, իսկ Եղնիկը կարող էր այս կամ այն պատճառով մեջ շրերել իր աղբյուրի վերոհիշյալ հատվածն ամբողջությամբ, ինչպես նա վարվել է մի շարք այլ դեպքերում ևս:

Կարևոր է նաև հետեւյալ փաստի մատնանշումը. Եղնիկի մեջրերումները Աստվածաշնչից համապատասխանում են մեղ հասած բնագրին. սակայն «Հարցումի» հեղինակը, ամենայն հավանականությամբ, իր ձեռքի տակ ունեցել է Հին և Նոր կտակարանների թարգմանության հնագույն մի օրինակ, որը իր որոշ մասերում ունեցել է շոշափելի տարրերություններ:

Սյապես, օրինակ, Եղնիկը մեջ է բերում Պետրոսի առաջին թղթի Դ գլուխ 18-րդ համարը ճիշտ այնպես, ինչպես գտնում ենք մեղ հասած Աստվածաշնչի օրինակներում՝ «Արդարն հազիւ կեցցէ, ամբարիշտն և մեղաւորն ո՞ւր զտանիցին» ձևով (էջ 83):

Սակայն «Հարցումի» մեջ այդ նույնը բերված է այլ խմբագրությամբ. «Արդարն հազիւ կեցցէ, իսկ ամպարիշտն ո՞ւր ապրի»:

Եղնիկն, իհարկե, կարող էր փոխել իր աղբյուրի մեջ եղող աստվածաշնչին հատվածը, համապատասխանեցնելով այն յոթանասնից թարգմանության հունարեն բնագրի հիման վրա Աստվածաշնչի նախնական թարգմանության իր իսկ մասնակցությամբ կատարված խմբագրությանը. իսկ հակառակը պատկերացնել դժվար է. «Հարցումի» հեղինակը չէր կարող Եղնիկի ճիշտ մեջրերումը Աստվածաշնչից քմահանորեն փոխել<sup>15</sup>: Վերոհիշյալ փաս-

15 «Հարցումի» մեջ Աստվածաշնչից արված քաղվածքները տարրերվում են հայկական թարգմանության կանոնական բնագրից նաև մի քանի այլ դեպքերում: Ղուկասի հիմ, 31 համարը՝ «Սատանայ խնդրեաց զձեզ խարբալել», «Հարցումի» մեջ վկայակորված է միանդամայն տարրեր թարգմանությամբ. «Խնդրեաց սատանայ մաղել զձեզ» («Ճաղել» վիս «խարբալել»):

Երբայիցոց թղթի Ժ, 26 համարը նույնպես այլ խմբագրությամբ է մեջրերված «Հարցումի» մեջ: Կանոնական բնագրում այդ հատվածն այսպես է. «Կամակար մտօք եթէ յանցանիցեմք յետ բնդունելութեան դիտութեան նշմարտութեանն, այնունետեւ ոչ ևս պիտոյ է վասն մեղաց պա-

տերը բավարար են համոզվելու համար, որ «Հարցումն» է սկզբնաղբյուրը «Եղծ աղանդոցի» համապատասխան հատվածների:

## 3

Ե՞րբ է ստեղծվել Գրիգոր Պարթևին կամ Լուսավորչին վերադրված այս արժեքավոր երկը: Այս հարցը, բնականարար հուզել է ն. Աղոնցին: «Յաղմավէպում» հրատարակված վերոհիշյալ իր հոդվածաշարում այդ կապակցությամբ նա դրել է. «Արդյոք հնարավո՞ր է հայ ֆոլկլորի թանկագին էջերը պարունակող «Հարցումն Գրիգորի» հիշատակարանը, որ աղբյուր է ծառայել Եղծ աղանդոցին, տանել և զետեղել հայ դպրության արևածագին»<sup>16</sup>:

Որոշակի պատասխան ն. Աղոնցը խուսափել է տալ, հայտնելով որ դրանք «դժվար հարցեր են, սերտորեն կապված հայ դպրության ծագման բարդ հարցին»<sup>17</sup>: Այնուամենայնիվ նրա մտորումների ուղղությունը պարզ է դառնում ստորև մեջբերվող արտահայտությունից. «Խոստովանելու է, որ Եղնիկն ավելի բախտավոր վիճակի մեջ չէ քան Փավստոսը, Եղիշեն, Հաճախապատումը, Ազաթանգեղոսը և գտնվում է նրանց հետ միենալուն ցանցի մեջ»<sup>18</sup>:

Մշուշապատ է ասված, բայց հասկանալի. Ն. Աղոնցի կարծիքով, ուրեմն, ինչպես Փավստոսի, Եղիշեի, Ազաթանգեղոսի պատմագրական երկերի ու «Յաճախապատում ճառք»-ի, այնպես էլ Եղնիկի «Եղծ աղանդոց»-ի ստեղծման ժամանակի խնդիրը կարոտ է նոր լուսաբանությունների: Այդ երկերը, Աղոնցի կարծիքով, ավելի ուշ ժամանակի ստեղծագործություններ են, քան ընդունվում են միջնադարյան ավանդույթով: Ըստ այդմ էլ «Հարցումը»՝ Եղնիկի աղբյուրը՝ չի կարող, իբր, ստեղծված լինել «հայ դպրության արևածագին»:

Մեր կարծիքով, սակայն, որեւէ (և՛ գաղափարական, և՛ լեզվական) հիմք չկա կասկածելու, որ «Հարցումը» հայ դպրության արևածագի շերմ շողերից է՝ ավելին, այն կարող է զրված լինել հենց այն ժամանակ, երբ հայ հեթանոսական հավատալիքները ժողովրդական լայն խավերի շրջանում շատ կենսունակ լինելով, վտանգ էին ներկայացնում եկեղեցու համար ու թելադրում հայ եկեղեցու պետերին գաղափարակես զինվելու ու պայքարելու նրանց դեմ: Իսկ գաղափարական այդ պայքարի համար պարարտ հող կար հենց «հայ դպրության արևածագին»:

Ենելով այս մեկնակետից, հաջորդ պարբերությամբ, մենք փորձելու ենք շարադրել մեր մտորումներն այն մասին, թե ո՞վ կարող է լինել «Հարցումի» հեղինակը:

## 4

Ինչպես արդեն առիթ ենք ունեցել նշելու, ձեռադրերը Գրիգոր Պարթևին կամ Լուսավորչին են վերագրում «Հարցումի» հեղինակությունը. խնդրո առարկա բնագրի ցանկը կանոնդրերում կրում է «Յանկ կանոնաց Լուսաւորչին»

տարագու: Ընդդժված «ճշմարտութեան» բառը բացակայում է «Հարցումից», իսկ «ոչ ևս պիտոյ է»-ի դիմաց այնտեղ դրված է՝ «անաւգուտ է»:

16 «Յաղմավէպ», 1926, էջ 13:

17 Նույն տեղում, էջ 13:

18 Նույն տեղում, էջ 72:

խորապիրը, իսկ բուն բնադիրը՝ «Կանոն սրբոյն Գրիգորի Պարթևի. դարձեալ հարցումն և պատասխանիք նորա»:

Հանրահայտ է, որ այս կամ այն աշխատոթյան հեղինակությունը բարձրացնելու մտահոգությամբ միջին դարերում Գրիգոր Լուսավորչին են վերագրել այլևայլ՝ բոլորն էլ անհարազատ գործեր<sup>19</sup>:

Ուստի «Հարցումի» հեղինակի որոշման ուղղությամբ աշխատելիս, առաջին հերթին ուշադրություն սկիտք է դարձնել գրերի գյուտից մինչև «Եղծ աղանդոցի» շարադրման քառասնամյա շրջանի խոշորագույն հայ մատենագիրների վրա. այդ քառասնամյակին մենք շունենք մատենագիրներ, որոնք խիզախեին մրցման մեջ մտնելու Սահակ Պարթևի և Մեսրոպ Մաշտոցի հետ:

Սահակը եղել է հայ ամենաբեղմնավոր թարգմանիչներից մեկը: Մաշտոցի և նրա աշակերտների մասնակցությամբ նա թարգմանել է Հին և Նոր կտակարանների գրեթե բոլոր գրերը, ինչպես նաև ծիսական, աստվածաբանական և դավանաբանական մի շարք բնագրեր. «Երանելոյն Սահակայ, — գրում է այդ մասին Կորյունը, — զեկեղեցական գրոց գումարութիւնն կանխաւ ի յունական բարբառոյն ի հայերէն դարձուցեալ, և բազում ևս դհայրապետաց սրբոց զճրշմարիտ զիմաստութիւնն»<sup>20</sup>:

Միաժամանակ Սահակը հեղինակել է ինքնուրույն գործեր՝ կանոններ<sup>21</sup>, դավանաբանական թղթեր և հոգեոր երգեր: Նրա անունով մեզ հասած կանոննմբերից երրորդի («Նորին Սահակայ, թէ որպէս սահմանեցաւ կարգ ուխտի և որոշումն վանաց») վերջին հատվածը (որ սկսվում է «Աղապն, որ մասնականաւ է՝ կես կաշոյն երթիցէ ի վանս...» բառերով), «Հարցումի» հնագույն ձեռագրում (1368 թ.) անշատված է կանոնիմբերից, ընդօրինակված է նրանից էջեր հետո, վերագրվելով Գրիգոր Լուսավորչին (Զեռ. № 659, էջ 261ր):

Ուշագրավ է, որ հենց նույն ձեռագրում այդ կանոնիսումը կրում է բոլորովին տարբեր ու հետաքննելի այսպիսի խորագիր. «Սահմանադրութիւն կարգաց, ընկալեալ ի նահատակէն տեառնէ Գրիգորէ. թարգմանեցաւ ի ձեռն եզրնեայ, հրամանաւ երանելոյն Սահակայ հպիսկոպոսապետին Հայոց և նորին աթոռակցաց, թէ որպէս սահմանեցաւ կարգ ուխտի և որոշումն վանաց» (Զեռ. № 659, էջ 227ր):

Այլ ձեռագրերում (որոնց հիման վրա կատարվել է «Կանոնգրքի» Ա. Դմբանի հրատարակությունը) այս հիշատակարան-խորագիրը, առանց եղ-

19 Տե՛ս Գ. Զարպ հանաւում, Հայկական հին գործութեան պատմութիւն, Վենետիկ, 1886, էջ 174—180:

20 Կորիւն, Վարք Մաշտոցի, Երևան, 1941, էջ 76:

21 Նրա անունով «Կանոնգրք» Հայոցից մեզ պահպանվել են հետեւյալ 6 կանոնիմբերը.

1. Նորին Սահակայ հայրապետի, յաղագս բորեպիսկոպոսաց, թէ որպէս պարտ է զկարդն հաստատուն պահել յեկեղեցին.

2. Նորին կարգ քահանայից առ ժողովրդականս և նոցին ժողովրդականաց հնագանդութիւն և կարգ ուղղութեան առ քահանայու.

3. Նորին սուրբ Սահակայ, թէ որպէս սահմանեցաւ կարգ ուխտի և որոշումն վանաց.

4. Նորին Սահակայ, թէ որպէս պարտ է եպիսկոպոսաց ունել զընտանիս սրբոյ եկեղեցւոյ.

5. Նորին սուրբ Սահակայ, թէ որպէս պարտ է եպիսկոպոսաց պահել ղդանձս եկեղեցւոյ, կամ որպէս մատակարարել.

6. Նորին սուրբ Սահակայ Հայոց կաթողիկոսի, զիր աւանդութեան յաղագս կարգաց սրբոյ եկեղեցւոյ և պաղոց ժողովրդականաց ընծայելոց ի տուն Աստուծոյ (տե՛ս «Կանոնգրքը Հայոց», Թիֆլիս, 1913, էջ 12—56):

Նիկ-թարգմանչի անվան հիշատակության և փոքր ինչ ձևափոխված խմբագրությամբ՝ դրված է կանոնիմքի վերջում<sup>22</sup>:

Սրա կապակցությամբ մհծանուն հայագետ Մ. Արեգյանը, ամենայն իրավամբ գրել է. «Այս հիշատակարանն անպայման հետազայի գրություն է. Սահակի կանոնները վերագրվել են Ս. Գրիգորին, դրանց ավելի կարեորություն տալու համար»<sup>23</sup>:

Արդ, չի կարելի ենթադրել, արդյոք, որ Եղիշիկի աղբյուրը հանդիսացող «Հարցումը» ևս ոչ թե Գրիգոր Պարթևի, այլ նրա թունորդի Սահակ Պարթևի հեղինակությունն է:

Այս հարցին պատասխանելուց առաջ անհրաժեշտություն է զդացվում ի միտ առնել հայ գրերի ստեղծող ու մատենագրության հիմնադիր Մեսրոպ Մաշտոցի մատենագիտական գործունեության հանգամանքները:

Կորյունից զիտենք, որ Մաշտոցը «բազում թուղթս խրատագիրս և զգացուցիչս ընդ ամենայն գաւառու առարձիք», «...Ճառս յաճախագոյնս, դիւրապատումս, շնորհագիրս, բազմադիմիս ի լուսաւորութիւնէ և ի հիւթոյ գրոց մարդարէականաց կարգել և յօրինել, լի ամենայն ճաշակօք աւետարանական հաւատոցն ճշմարտութեան»<sup>24</sup>:

Կորյունի ասած «յաճախագոյն», «դիւրապատում» ճառերը, ինչպես ենթադրել են մի շարք անվանի հայագետներ, հայ մատենագրության մեջ լայն տարածում դրած ու սիրված «Յաճախապատում» կոչվող ճառերն են, որոնք ունենալով դավանաբանական բովանդակություն, Գրիգոր Լուսավորչին են վերագրվել՝ դրանց ավելի մեծ հեղինակություն ընծայելու համար<sup>25</sup>:

Գ. Գալեմքյարյանը<sup>26</sup>, Ն. Աղոնցը<sup>27</sup>, և մանավանդ, Մ. Արեգյանը<sup>28</sup> ապացուցել են արդեն, որ «Յաճախապատումի» և «Եղծ աղանդոցի» միջև կան զգալի ընդհանրություններ ու առնշություններ: Եվ այդ միանգամայն բացատրելի է. Մաշտոցն ու Եղիշիկը, մեկը՝ հանճարեղ ուսուցիչ, մյուսը՝ նրա սիրեցյալ ու մերձավորագույն զինակիցը, իրենց գործունեության ընթացքում դադաիսրական նույն գետնի վրա էին կանգնած և ամեն մեկն իր կարողությունների շափով մասնակցում էր հայ նորաստեղծ մատենագրության դարգացման դորժին:

Մաշտոցի գործունեության մեջ մեծ տեղ է րունում քարոզչությունը. Հայտնի է, որ մինչև գրերի գյուտը նա շրջել էր ու քարոզել Հայաստանի այն գավառներում, որտեղ քրիստոնեությունը դեռ շեր արմատավորված, քրմական դասրդեր շեր հալածված: Քարոզական իր գործունեությունը, ավելի լայն ծավալով, Մաշտոցը վերսկսեց գրերի գյուտից հետո. եղավ Մարաց կողմերում, Գողթնում, Սյունիքում և շատ այլ վայրերում՝ ամենուրեք քարոզելով կրոնական նոր վար-

22 «Կանոնգիրք Հայոց», էջ 38—39:

23 Մ. Արեգյան, Հայոց հին գրականության պատմություն, գիրք առաջին, Երևան, 1944, էջ 117:

24 Կորիւն, Վարք Մաշտոցի, էջ 78:

25 Մ. Արեգյան, նույն տեղում, էջ 119—121: Անհրաժեշտ է, սակայն, նշել, որ այդ ճառերը, ըստ երեսոյթին, հետազայում կրել են որոշ փոփոխություններ, ընկալել որոշ հավելումներ և այլն:

26 Գ. Գալեմքյարյան, նույն տեղում, էջ 16—17:

27 «Բազմավէստ», 1926, էջ 70—72:

28 Հայոց հին գրականության պատմություն, գիրք առաջին, Եղիշիկին նվիրված Հատվածի 135, 136, 138, 140, 143—145 էջերի տողատակի մեջբերումները:

դապետության սկզբունքները, սովորեցնելով հայերեն դպրություն, բացելով դպրոցներ և այլն:

Հայ եկեղեցու հիմքերի ամրապնդման համար եթե առաջնահերթ նշանակություն ուներ պարսից քեշի՝ զրադաշտական կրոնի դեմ ուղղված պայքարը (մի ուսմունք, որ պարսից արքունիքը ցանկանում էր պարտադրել հայ ժողովրդին), ոչ պակաս նշանակություն պետք է ունենար պայքարը ներքին ճակատում:

Հայ ժողովուրդն իր հազարամյա գոյության ընթացքում ստեղծել էր վիպական երգեր ու առասպելներ. հնամենի հավատալիքներն ու ավանդությունները, պատկերացումները զանազան շար ու բարի ոգիների ու միֆական կենդանիների մասին խոր արմատներ էին նետել և, անշուշտ, կենսունակ էին ժողովրդի գիտակցության մեջ: Բնականաբար եկեղեցու ջատագովները ոչ միայն պետք է հիմնավոր տեղեկություններ ունենային դարավոր ավանդություն ժողովրդի գիտակցության մեջ արմատացած հավատալիքների ու պատկերացումների մասին, այլ և պետք է սովորեին քրիստոնեական վարդապետության դիրքերից դրանք մերժելու ձևերն ու եղանակները:

Ահա հենց այս նպատակով է ստեղծված Գրիգոր Պարթևին վերադրված «Հարցումը»: Եվ քանի որ քարոզչական այդ եռանդուն գործունեության դեկը գտնվում էր Մաշտոցի ձեռքին և նա էր ամենահմտու քարոզիչը՝ առաջին հերթին նա կարող էր բմբոնել «Հարցմունքի» նման մի երկ ստեղծելու անհրաժեշտությունը<sup>29</sup>:

Տրամարանական այս եզրակացությունն ամրապնդվում է առաջին հայցքից նյութին շառնչվող հետելալ փաստով:

Արևելյան Հայաստանում իր միսիան կատարելուց հետո, Մաշտոցը մեկնում է Կոստանդնուպոլիս, Բյուզանդիայի տիրապետության տակ գտնվող հայ-

29 Որ Մաշտոցն իրոք դրազել է հեթանոսական օնաշավատքի հերթումով, այդ մասին ունենք ստույգ տվյալ: Հայոց կանոնդրքի միջնադարյան խմբագրությունների մեջ ներմուծված է «Երանելոյն Մեսրոպայ վարդապետիք կոչված մի փոքրիկ բնագիր, որն ուղղված է հեթանոսական կրոնի անկապտելի մասն կազմող տարացեղ հմայությունների դեմ: Ն. Ակինյանը, որ հրատարակել է այդ բնագիրը, մի քանի ձեռագրերի բաղդատությամբ, տվել է նրան պատշաճ խորագիր՝ «Խօսօք ընդդէմ հմայից»:

Մտորել տալիս ենք այդ բնագիրն՝ բայ Ն. Ակինյանի հրատարակության (ան՛ս «Հանդէսամօրեայց», 1958 թ., էջ 379—381):

Երանելոյն Մեսրոպայ հայոց վարդապետի (Խօսմ ընդդէմ հմայից)

«Բարուք ողբայր մի ոմն ի սրբոցն. զիտացէք, ասէ, ով սիրելիք, զի թէպէտ և քենոնց տէրն ոշարն ընդ խաչափայտին, սակայն խայթոցը նորա մինչև ցայժմ խոցոտեն զմարդիկ ի կորուստ՝ հմայիւր, յութիւր, դեղահատիւր և ամենայն բրժանոօք դիւականօք: Եւ ոչ ոք բառնայ ի մտաց զմահարեր սերմունս շարին: Այլ մի վարել հմայիւր, այլ սուրբ աղօթիւր առաստուած կարդալով, և մի երթալ զհեւտ երազոց, այլ ունկնդիր լինել պատուիրանաց աստուծոյ: Եւ մի ոք յթովսէփ և զիտանիէլ բերցէ ի մէջ, զի այն ժամանակաւորք էին և հարկաւորք. ի ձեռն սրբոյ արանցն զծածկեալ խորհուրդն յայտնէր աստուած տեսլեամբ:»

Արդ, այսուհետեւ ոչ երազք և հմայք խոտեալ են միայն, այլ և մարգարէութիւնը և առաքելութիւնը: Երազք և հմայք և յուսութիւր և բաջաղանք և զիսթութիւնը և թովշութիւնը և հարցութիւր և ձեռնածութ և դեղահատք և խտիրք, և որ ինչ նման են սոցին, նզովեալ են ի սուրբ եկեղեցւոյ և արտաքս ընկեցեալ յաստուածային հրամանաց. Եւ որ առնէ զմի ոք ի նոցանէ կամ ընդունի, ընդ նովին նզովիր է կապեալ և ընդ նմին սատանայի իշանէ ի տարտարոս դառն տանչանաց զեհենին, զորոյ զվարդապետութիւնն ընկալաւ:

կական շրջաններում ևս դպրոցներ բացելու և նորաստեղծ գիրն ու դպրությունը տարածելու համար: Այստեղ, ինչպես հաղորդում է Կորյունը, —նա «բազում շնորհագիր մատեանս զհարցն եկեղեցւոյ ստացեալ՝ ծովացուցանէր զվարդապետութեանն զխորութիւն»<sup>30</sup>:

Հավանաբար «շնորհագիր» այդ մատյաններից մեկն է եղել Թեոդորոս Մոպսուստացու «Յաղագս որ ի Պարսս մոգութեան» այն երեք ճառերը, որի մասին տվյալներ է գրանցել Փոտ պատրիարքն իր նշանավոր «Մատենադարանում»:

Փոտը վկայում է, որ Թեոդորոսի այդ ճառերն ուղղված են եղել մի հայ քորեպիսկոպոսի՝ Մատովիոս անունով, Ն. Աղոնցը համոզիլ փաստերով ապացուցել է, որ աղավաղված այդ անունը պետք է սրբագրել Մատովիոս, այսինքն Մաշտոց ձևով<sup>31</sup>: «Մաշտոցի համար գրված երկը, իհարկե, —ինչպես նշել է Աղոնցը, —կարող էր տրամադրելի լիներ նրա սիրասուն աշակերտին, Եղնիկին»<sup>32</sup>:

Մեզ հետաքրքրող բնագրի հեղինակի հարցը պարզելու գործին մեծապես նպաստում է այս տվյալը:

Պարսից գաղափարական ագրեսիայի առաջն առնելու համար հայ եկեղեցին պահանջ է զգացել պարսից քեշի դեմ գրված հիմնավոր մի հերքումի: Մաշտոցի խնդրանքով այդ աշխատանքը կատարել է եկեղեցական նշանավոր մատենագիր Թեոդորոս Մոպսուստացին (մհ. 428 թ., եպիսկոպոս 392-ից), դրանից օգտվել է Եղնիկն իր աշխատության երկրորդ գիրքը («Եղծ քեշին պարսից») գրելիս: Արդ, մի՛թե նույն Մաշտոցը օտար եպիսկոպոսներից պետք է հայցեր նաև հայ ժողովրդի հնավանդ հավատալիքների մասին այնպիսի մի գրվածք, ինչպիսին է մեր «Հարցումը»: Եվ կարո՞ղ էին, արդյոք, օտարները տեղյակ լինել հեթանոս հայերի հավատալիքներին այնքան, ինչքան տեղյակ էր Հայաստանի գրեթե բոլոր շրջաններում որպես քարոզիլ շրջած Մեսրոպ Մաշտոցը:

Իհարկե ոչ. ուստի, վերոհիշյալ փաստերի ու դատողությունների լույսի տակ, կարելի է մեծ հավանականությամբ հետևցնել, որ Եղնիկի աղբյուրը հանդիսացող «Հարցումը» հեղինակն ինքը՝ Մաշտոցն է:

Հարցի ուսումնասիրության ներկա էտապում և ուղղակի վկայությունների բացակայության պայմաններում, իհարկե, դժվար է վճռական ու վերջնական համարել այս եղրակացությունը: Հուսով ենք, սակայն, որ հնարավոր կլինի հետագայում ամրապնդել այն նոր տվյալներով:

Այսպիսով, Ն. Աղոնցի այն հարցին, թե «արդյոք հնարավո՞ր է հայ ֆոլկլորի թանկագին էջերը պարունակող «Հարցմունք Գրիգորի» հիշատակարանը... տանել և զետեղել հայ դպրության արևածագին»—կարելի է տալ մի պատասխան միայն—այս, կարելի է. ավելին՝ այն կարող է զետեղվել միայն և միմիայն հայ դպրության սկզբնավորման առաջին տասնամյակներին, հանդիսանում

<sup>30</sup> Կ որ ի և ն, էջ 67:

<sup>31</sup> Ն. Աղոնց, Անձանոթ էջեր Մաշտոցի և նրա աշակերտների կյանքից բատ օտար աղբյուրների (տե՛ս «Հանդէս ամսօրեալ», 1925, էջ 197): Այս ուշագրավ եղրակացությունը, առանց հիմնավոր ու համոզիլ փաստերի, անընդունելի է համարվում որոշ բանասիրների կռամքից:

<sup>32</sup> «Բազմավէպ», 1925, էջ 371:

և հայ ինքնուրույն մատենագրության ցարդ հայտնի հնագույն հուշարձանը և գրիլել է, հավանաբար, Մեսռով Մաշտոցի կողմից:

## 5

Ն. Աղոնցը ցուց է տվել, որ «Հարցումի» բնագրից հետքեր են նշմարվում Հովհան Մանդակունուն վերագրվող ճառերի մեջ: Այդ փաստն ինքնին, անկախ այն բանից, թե ճառերը պատկանում են Հովհան Մանդակունուն (Վ դար) կամ Մայրավանեցուն (VII դար), գրավական է «Հարցումի» հնության:

Հավանաբար հայ մատենագրության այլ հուշարձանների մեջ ևս հնարավոր կլինի հետագայում գտնել «Հարցումի» ազգեցության հետքեր, սակայն այս առումով առաջնակարգ նյութ է պարունակում մի երկ, որի հեղինակի ու գրության ժամանակի մասին ևս բանասիրության մեջ տարրեր ու հակասական տեսակետներ են արտահայտվել:

Դ. Ալիշանին այն ծանոթ է եղել որպես XIII դարի մատենագիր Վահրամ վարդապետի գործ, գրված առ Հեթում թագավոր<sup>33</sup>: Ն. Մառը ծանոթ է այդ նույն աղբյուրին իրեն ոմն Վարդանի ստեղծագործություն<sup>34</sup>:

1928 թվականին Ն. Ակինյանը հրատարակեց այդ բնագիրը և, հիմք ընդունելով Վիեննայի Մխիթարյան մատենադարանի 1849 թվականի № 99 ձեռագրի վերնագիրը (որ դրել է, անտարակույս, ձեռադրի ընդօրինակող Սերովի Պողոսյանը), վերագրեց այն Վարդանանց պատմության հեղինակ Եղիշեին<sup>35</sup>:

Ն. Ակինյանի տեսակետը անհիմն է ու մերժելի<sup>36</sup>: Արդարացին Դ. Ալիշանն էր, որը, ինչպես պարզվեց, իր տվյալը քաղել էր խնդրո առարկա բնագրի վենետիկյան Մխիթարյանների մատենադարանում պահվող հնագույն ձեռագրից (ձեռ. № 265/1108, ընդօրինակված 1317—1318 թթ.): Ձեռագրում գրքածքը վերնագրված է այսպես. «Հարցումն թագաւորին Հեթում, թէ հրեշտակը յառաջ արարեալ են քան զերկինս և զլուսաւորս. պատասխան վարդապետին Վահրամայ»<sup>37</sup>:

Այս Վահրամն, անշուշտ, Բարոնի կոչված Կիլիկյան նշանավոր մատենագիրն է, հեղինակ փիլիսոփայական ու պատմագրական մի շարք երկերի:

Հեթում թագավորի պատվերով գրած վերոհիշշալ իր աշխատության մեջ Վահրամ Բարոնին, գրեթե բառացի, մեջ է բերել մեր բնագրից ընդարձակ բաղվածքներ:

«Հարցումի» բնագրի աղավաղված որոշ բառերի ու նախադասությունների սրբագրման գործին Վահրամի քաղվածքները, անտարակույս, կարող են որոշակի նպաստ բերել:

33 Դ. Կ. իշան, Հին հավատք հայոց, Վենետիկ, 1910, էջ 187, 195, 203, 210:

34 Ի. Յ. Մարը, Իz летней поездки в Армению, (отдельный оттиск из „Записок восточн. отдел. имп. русск. археолог. общ.“, том V, էջ 9 և հաջ.).

35 Եղիշեի վարդապետի Հարցումնը և պատասխանիր ի դիրս ծննդոց, հրատարակեց Հ. Ակինյան, Վիեննա, 1924:

36Տե՛ս Ա. Վարդանյանի փաստաթից ու հիմնավոր գրախոսությունը տպագրված «Հանդէսամսօրեալիք էջերում», 1929, № 1 (էջ 1—10) և № 2 (էջ 65—79) և տողերիս գրողի թեկնածուական դիսերտացիան՝ «Եղիշեի «Արարածոց մեկնութիւն» աշխատությունը» խորագրով, պաշտպանված 1945 թվականին Երևանի պետ. համալսարանում (մեքենագիր, էջ 5—9):

37 Ս. Ա ա ր գ ս ե ա ն, Մայր ցուցակ հայերեն ձեռագրաց մատենադարանին Մխիթարեան ի վենետիկ, թ. հատոր, էջ 853:

«Հարցումի» և «Եղծ աղանդոցի» զուգակշիռ հատվածների համեմատությունից առաջին հետևությունը, որ կարելի է հանել, այն է, որ այդ երկու բնագրերն էլ արմատական խմբագրության շեն ենթարկվել հարյուրամյակների ընթացքում։ Այս, անշուշտ, չի վերաբերում առանձին աղճատված մտքերի, նախադասությունների ու բառերի, որոնց մի մասը հնարավոր կլինի ճշտել այդ բնագրերի ուշադիր համեմատության միջոցով։

1. Եղնիկի «Բայց թէպէտ և ասին ինչ անուանք ի գրոց յուշկապարկաց կամ համբարուաց կամ պարկաց, ըստ կարծեաց մտաց մարդկան ասին» նախադասության դիմաց «Հարցումն» ունի. «թէպէտ և ասեն յուշկապարիկը և համբարուք և պարիկը և պայք, ըստ կարծեաց մտաց մարդկան ասին»։

«Պայք»-ն այստեղ ավել է, Եղնիկը շունի։

Պայքի մասին Եղնիկը խոսում է այլուր՝ «Ոչ երբէք ի մարդկանէ ելեալ պայն» եթէ երես արարած իցէ (իմա՝ երէս արածիցէ). միտքն աղճատված է։ «Հարցումի» համապատասխան հատվածում կարդում ենք՝ «Ոչ երբէք ի մարդկանէ ելեալ պայն, զորմէ ասեն՝ թէ երես ածէ»։

Այս կապակցությամբ ն. Աղոնցը գրում է. «Եթե երեսածե խորթ բառը կարդանք տրոհելով երես ածե այն ժամանակ նորայրի սրբագրությունը՝ առ երես արածիցէ (փոխանակ արարած իցէ) պետք կլինի ուղղել՝ առ երես ածիցէ, կամ ավելի ճիշտ վերականգնել ըստ Հարցարանի՝ երէս ածիցէ»<sup>38</sup>։

2. Եղնիկի՝ «զծովացուլն՝ զոր ի կովէ ելեալ ասեն, և զպայն իմն ի մարդկանէ, և զառլէզն ի շանէ» նախադասության դիմաց «Հարցումն» ունի հետևյալ նախադասությունը. «ծովացուլն ի կուսէ (ուղղելի է՝ ի կովէ) ասեն ելեալ, և զպայն ի գետոյ, և զառլէզն ի շանէ, և զխանդիռն ի լիշոյ, և զնահանզն ի ձիոյ»։

Այստեղ, մեկը մյուսի կողմից, երկուստեք ուղղվում ու լրացվում են Եղնիկն ու «Հարցումը»։ Ինչպես վերն այլ առիթով ասացինք, Եղնիկի մոտ հանդիրի (ինչպես և համբարուի՝ ձիուց առաջացած լինելու) մասին խոսք շկա:

3. Մեր բնագրում կա այսպիսի տեղիք. «Հարցումն. Քաջք աներեւոյթ արարածք են աստուծոյ, զպատերագմունս նորա հարկանեն, զորս երէից նորա հարկանեն, և զարմատիս կալոց նորա կրեն և զինիս ի հնձանաց, որպէս վիշապս զտոհմականս անդէոց ծծեն»։

Եղնիկը, հավատարիմ իր շարագրության ձևին, այստեղ ևս փոխել է իր աղբյուրի տրամախռական եղանակը և խմբագրել այդ Հարցը՝ տալով այսպիսի կերպարանք. «Եւ ոչ վիշապք զտոհմականս արդեանց կրեն, և ոչ զրաստգոյ նոցա՝ եթէ զարդիւնս ի կալոց ուրեք կրիցեն, և ի զուր է կա՛լ կա՛լն ասել ումէք ի կալս՝ և ոչ ա՛ռ ա՛ռ»։

Եղնիկն այստեղ հեռացել է իր աղբյուրից. բայց վերջինիս միջոցով, այնուամենայնիվ, հնարավոր է լինում սրբագրել «և ոչ վիշապք զտոհմականս արդեանց կրեն» արտահայտությունը։ «Հարցումի» համապատասխան տողը «զտոհմականս անդէոց ծծեն», որ նշանակում է «ուտում» (լափում) են անասուններից լավերին», ավելի հարմար է զալիս իմաստին։ Այս կարծիքին է նաև ն. Աղոնցը<sup>39</sup>։

38 «Հայրենիք», էջ 79.

39 ՏԵ՛ս «Հայրենիք», էջ 80։

4. Ըստ Եզնիկի Արտավագդին Մասիսի վրա արգելափակել են զեերը, իսկ ըստ «Հարցումի» վիշապները («...զԱրտաւազդ զոմն արգելեալ է ի վիշապացի Մասիս և է կենդանի, և նա ելանելոց է և զաշխարհ ունելոց»): Նշենք նաև, որ Արտավագդի առասպելը գրանցած Մ. Խորենացին Արտավագդի շղթայումը վերագրում է քաջքերին, իսկ «Յայսմաւուրբում» այդ զերը կատարում են «շատուածք» կամ «աստուածք»<sup>40</sup>:

Կարծում ենք, որ առասպելին Հարազատ տվյալը «Հարցումին» է, որովհետեւ, ինչպես զիտենք վիպասանքից:

«Վիշտապազունից գողացան զմանուկն Արտաւազդ Եւ ուն մոխանակ եղին»<sup>41</sup>;

Ուշադրություն ենք դարձնում այս տարրերության վրա՝ նկատի ունենալով նրա կարևոր նշանակությունը Արտավազդի երկվության խնդրի լուծման գործում։ Հայտնի է, որ քաջքերը բարի ոգիներ են, ուստի ըստ Խորենացու, շար է եղել Արտավազդը։ Վիշապներն, ընդհակառակը, շար ուժեր են, ուստի ըստ «Հարցումի»՝ Արտավազդն է բարի։ Նրա գալստյան հետ վառ հույսեր է կապել ժողովուրդը, բայց նա մնացել է արգելակված «անմիտ» մի հայ իշխանի («ըղձապատում հմաւրականների» տված խորհրդով) արձակած հրամանի զորությամբ, որով դարբինները պարտավորվել են նավասարդին կոակտվ զարկել դատարկ սալին՝ Արտավազդի շղթաների ամրացման համար։

5. «Հարցումին» ենք պարտական Երվանդի<sup>42</sup> մասին հնագույն առասպելի գոյությունը հավաստող միակ վկայությամբ, որ Վահրամի միջնորդությամբ ծանօթ է եղել Դ. Ալիշանին։ Եզնիկի մոտ այդ մասին հիշատակություն չկա-կամ դուքս է ընկել հետագայում, կամ ինքն է ավելորդ համարել մեջ բերել։

Այսպիսով, պարզ է դառնում, որ «Եղծ աղանդոցի» իմաստային աղճատումների մի մասը հնարավոր է սրբագրել նրա աղբյուրը հանդիսացող «Հարզումի» համապատասխան հատվածների օգնությամբ, և սնոհակառակ:

Ազելի լայն հնարավորություններ կան լեզվական ու շարահյուսական բնույթի ուղղումներ մտցնելու Եղնիկի բնագրում, որն իրավամբ համարվում է ռասական հաւեռենի ուղևու-առօդուոս<sup>43</sup>;

7

«Հարցումի» բնագրի հրատարակությունը «Revue de l'Orient chretien» պարբերականի 1925—1926 թթ. 3—4-րդ միացյալ համարում՝ անծանոթ մնաց

<sup>40</sup> Г. Халатянц, Армянский эпос в Истории Армении Моисея Хоренского, ч. II, Материалы, Москва, 1896, § 74.

41 *U. S. Pat. L. & W. G. B., 61,*

42 Բնագրում այդ անունը բերված է Հնագանդ՝ «Արուանդ» ձեռվ, որը միանդամայն համապատասխանում է պահլավական ձևին, որից և փոխառված է:

43 Այդ աշխատանքը կատարելու հետ մեր եղնիկաղեանեցը, միայն մեկ օրինակով փորձենք շահագրգռել նրանց:

«Նոր Հայկապյան բառզրում» տեղ է գտնել «Կեղծս կեղծս» բառը՝ «սուտ, շինծու կերպարանքով» իմաստով։ Բառզրի հեղինակներին այն հայտնի է միայն Եղնիկից։ Քանի որ այդ բառի դիմաց «Հարցումի» մեջ գտնում ենք «կերպս կերպս» (ու կերպս կերպս զանձինս ցուցանիցն և մարդկան կերպի երևման անուանս եղեալ կոչեն...) բառը, որ կիրարկված է հայ հին մատենագրության մի շարք հուշարձաններում, կարելի է հնիտագրել, որ Եղնիկի բնագրում ևս եղել է «կերպս կերպս»։

Հայագիտական լայն շրջաններին: Հայաստանում, օրինակ, չկա պարբերականի այդ համարից գեթ մեկ օրինակ:

Նկատի առնելով այդ՝ ավելորդ շենք համարում բնագրի վերահրատարակությունը, ոչ էական հետևյալ փոփոխություններով.

1. Զեռագրերի հիման վրա կատարել ենք մի քանի ճշտումներ.

2. Տարրնթերցվածքներից նշել ենք միայն կարեորները (հենց տողաշարում՝ փակագծերի մեջ).

3. «Հարցումը» կանոնզրքի մեջ ներմուծող խմբագիրները, մյուս կանոնիմբերի նմանողությամբ՝ նաև «Հարցումի» համար՝ կազմել են ցանկեր, և ըստ այդմ համարակալել հարց ու պատասխանները (Ա.-ից ԺԱ): Ցանկը («Ցանկ կանոնաց կուսաւորչին») դիտական արժեքից զուրկ է, իսկ հարցերի համարակալումը ճիշտ չի կատարված: Այդ իսկ պատճառով ցանկը զուրս ենք թողնում, իսկ հարցերի համարակալումը կատարում ենք ինքնիրս:

4. Ավելորդ ենք համարել նաև «Հարցումի» սկզբում, որպես Ա. Հարցումն զրված կանոնական հրահանդի հրատարակումը. այն, ինչպես նկատել է Ն. Աղոնցը, ոչնչով չի առնչվում «Հարցումին»<sup>44</sup>:

5. «Հարցումի» բնագրին զուգահեռ տվել ենք Եղնիկի, իսկ տողատակում՝ Վահրամ Բարունու զուգակշիռ հատվածները (Աղոնցը ևս տպագրել է Եղնիկի հատվածները, բայց «Հարցումի» բնագրի վերջում):

6. Ինչպես արդեն ասել ենք, Գ. Տեր-Մկրտչյանը ձեռքի տակ ունեցել է «Հարցումի» 4 ձեռագիր: Թվարկում ենք այդ ձեռագրերը Մաշտոցի անվան Մատենադարանի արդի համարակալությամբ.

Ա—Ն 659, բնդօրինակված 1368 թ., էջ 108p—118p.

• Բ—Ն 778, բնդօրինակված 1635 թ., էջ 377p—403p.

Ը—Ն 2886, բնդօրինակված XVIII—XIX դդ., էջ 73ա—83թ.

Դ—Ն 657, բնդօրինակված XVII դ., էջ 125ա—129թ:

Մենք, բացի սրանցից, ձեռքի տակ ունեցել ենք նաև մի այլ ձեռագիր.

Ե—Ն 9298, բնդօրինակված է 1662-ից առաջ, էջ 302ա—306թ:

Վերոհիշյալ բոլոր 5 ձեռագրերից հնագույնն ու լավագույնը Ա ձեռագիրն է: Որպես Հայոց կանոնզրքի եղակի մի խմբագրություն այն արժանի է ուշագիր բննության:

«Հարցումին» զուգահեռ հրատարակվող Եղնիկի հատվածները քաղված են Լուի Մարիեսի կազմած և հետմահու հրատարակված մեծարժեք քննական բնագրից<sup>45</sup>, որը համեմատել ենք Եղնիկի միակ ձեռագիր օրինակի հետ (Մատենադարան, ձեռ. Ն 1097, էջ 187p—314p): Փոխել ենք Մարիեսի հրատարակության ուղղագրական անհարկի արխայիզմները (եթե, թե, եթե, ե-ի փոխարեն՝ ամենուրեք եւ և այլն):

«Հարցումին» առնչվող Եղնիկի հատվածները համապատասխանում են Մարիեսի հրատարակության ստորև նշվող էջերին (փակագծերում տալիս ենք նաև Վենետիկի 1826 թ. հրատարակության համապատասխան էջերը):

<sup>44</sup> Այս է կանոնական այդ հրահանդի. «Քահանայ, որ ընդ կնոջ ի քուն է՝ ի վաղին պատարագ մի իշխանությունը մատուցանել: Եւ աշխարհական, որ ընդ կնոջ ի քուն է՝ ի վաղին աւրինաց մի լիցի հաղորդ»:

<sup>45</sup> Eznik de Kožb. De Deo édition critique du texte arménien par † Louis Mariés..., Paris, 1959 (Patrologia orientalis, tome XXVIII, fascicule 3).

1.  $\xi_2$  37,  $\omega_n$  11—12 ( $\xi_2$  75,  $\omega_n$  24—25),
  2.  $\xi_2$  39,  $\omega_n$  30—40,  $\omega_n$  29 ( $\xi_2$  82,  $\omega_n$  1—84,  $\omega_n$  14)
  3.  $\xi_2$  41,  $\omega_n$  12—42,  $\omega_n$  18 ( $\xi_2$  85,  $\omega_n$  21—88,  $\omega_n$  11)
  4.  $\xi_2$  46,  $\omega_n$  9—48,  $\omega_n$  13 ( $\xi_2$  97,  $\omega_n$  4—102,  $\omega_n$  13),
  5.  $\xi_2$  48,  $\omega_n$  22—49,  $\omega_n$  1 ( $\xi_2$  103,  $\omega_n$  4— $\omega_n$  26),
  6.  $\xi_2$  49,  $\omega_n$  9—50,  $\omega_n$  11 ( $\xi_2$  104,  $\omega_n$  16—107,  $\omega_n$  4):

Տողատակում վահրամ Բարունուց մեջ բերվող հատվածները քաղված են նրա աշխատության (անհիմն կերպով եղիշեին վերագրված) Ն. Ակինյանի հրատարակությունից<sup>46</sup>: Հրատարակված բնագիրը ստուգել ենք Մատենադարանի № 631 (էջ 195ա—221ա) ձեռագրի մեջ առկա արժեքավոր ընդօրինակության հետ բաղզատելով:

Հուսով ենք, որ հայ ինքնուրույն մատենագրության երախայրիք այս  
բնագրի վերահրատարակությունը անհետեանք չի մնալու: Այն մեծապես նը-  
պաստելու է հեղինակի մասին արտահայտած մեր կարծիքի հաստատման կամ  
մերժման դործին, ինչպես նաև, ինչ-որ շափով դյուրացնելու է Եղիշիկի հա-  
մապատասխան հատվածների քննության ու սրբագրության գծով կատարվե-  
լիք աշխատանքը:

\* \* \*

Կանոն սրբոյն Գրիգորի Պարքեւի,  
դարձեալ հարցումն եւ պատասխանիք  
նորա\* (Revue de l'Orient chrétien,  
Troisième série, tome V (XXV),  
1925—1926, № 3 et 4, pp. 312—322)

Նգնկայ վարդապետի Կողբացւոյ. Եղծ  
աղանդոց (Edit. par Louis Mariès,  
Paris, 1959. Patrologia Orientalis,  
tome XXVIII, fascicule 3)

### 1. Հարցումն. Ո՞վ է հայր մահու

## Պատասխանի. Նախանձ:

## 2. Հարցումն. Ուստի՞ յայտ է.

Պատասխանի. Ցայսմանէ, նախանձու բարսարկուին մահ եմուտ յաշխարհս:

Եւ նախանձու բանսարկուին եմուս  
մահ յաշխարհ։ (էջ 37 տող 11—12):

3. Հարցումն. Եւ ո՞վ է մայր մեղաց.

Պատասխանի. Ազահութիւն, որպէս  
ասեն. Արմատ ամենայն շարեաց ար-  
ծաթասիրութիւն է:

4. Հարցումն. Ո՞վ է որ տանի ի կե-  
անսն յափառենից:

Պատասխանի. Հեղութիւն. վասն որով  
առէ հոգին սուրբ, թէ Յո՞վ բնակե-  
ցաց, եթէ ոչ ի հեզս և ի խոնարհս և  
որք գողան ի բանից իմոց:

46 Եղիշէի վարդապետի հարցմունք և պատասխանիթ ի դիրս ծննդոց, Հրատարակեց Հ. Ներսիսյանը, Վիճական, 1924 (Քննական հրատարակություն մատենագրության և թարգմանության նախնական հայոց, Հատոր Բ, պրակ 2):

\* В ձեռագրում խորագիրն այսպես է. «Կանոն երկրորդ երանելոյն սրբոյն Դրիգորի Պարթևի Հայոստանեաց Լուսաւորչի. Հարցումն զեղեցիկ պատասխանեաւք Հանդերձ խրթնածածուլ բանից»:

5. Հարցումն. Եւ ո՞վ առիթ դժոխոցն.

Պատասխանի. Լրբութիւն, վասն որոյ ասեն (ՎԱՐ. ասէ). Ոչ այսպէս ատեաց զանարէնն, որշափ զանամաւթն:

6. Հարցումն. Եթէ կարիցե՞ն կախարդք զբնութիւն արարածոց փոխել:

Պատասխանի. Եթէ հաստատել կարեն, ապա և փոխել կարեն:

7. Հարցումն. Ահա բազում լուաք եթէ զմարդիկ փոխեն ի կերպարանս անասնոց.

Պատասխանի. Ոչ ամենայն ինչ որ առ աշաւք է ճշմարտութիւն ասի, որպէս և ոչ ստուեր մարդոյ մարդ ասի: Ճնմանութիւն և զկերպարանս կարեն ցուցանել, բայց ճշմարտութեամբ ոչ կարեն ցուցանել և ոչ փոխել զարարածո արարշին, զի որ արարն նա միայն կարէ փոխել:

8. Հարցումն. Նա աւանիկ գիրք ցուցանեն, թէ առնեին կախարդքն զոր ինչ և Մովսէս առնէր:

Պատասխանի. Ընդ բարբառ բանիցն նայիցիս, թէ՝ ընդ ճշմարտութիւն իրացն. թէ արդարեւ որպէս Մովսէսն

Վահեամայ վարդապետի Հարցմունք և պատասխանի (տող. Եղիշեի անունով, Վիեննա, 1924):

...Հզ. Թէ դեւք ի մարմին իսկապէս ոչ փոխեն և ոչ ուտեն և ըմպեն ստորյա և առնեն զորասեն մարդիկ, ապա և կախարդք զիա՞րդ նորաւք բազում իրս առնեն: Պիս. Եւ զի՞նչ առնեն կախարդքն: Հզ. Կարեն զբնութիւն արարածոց փոխել: Պիս. Սուտ է այդ. Եթէ հաստատել կարեն ապա և փոխել կարեն: Հզ. Ահա զրազում լուաք, թէ զմարդիկ փոխեն ի կերպարանս անասնոց և թոշնոց, և ինքեանք ի կարառ հեծեալ երթան ի ճանապարհ հեռի, և ի վերայ շրջ քայլեալ վաղվաղակի յաւտար աշխարհ ելանեն, քաջաց սեղան դնեն և ի նոցանէ բանս լսեն և առնեն: Պիս. Դարձեալ զատութեան բանս յիշեն: Ի միտ առ, ոչ ամենայն ինչ, որ առ աշաւք է՝ ճշմարտութիւն ասի. զնմանութիւն և զկերպարանս ցուցանեն զիրար ինչ կախարդքն, զի այլ ոչինչ կարեն ճշմարտութեամբ ցուցանել, զի թէ սատանայ կերպարանի ի հրեշտակ լուսոյ, որ չէ իսկ. նոյնպէս և պաշտանեայք նորա ցուցանեն ինչ, բայց ոչ ճշմարիտ. և ոչ կարեն փոխել զարարածո արարշին, զի որ արարն նա միայն կարէ փոխել: Հզ. Նա աւանիկ և զիրք ցուցանեն, թէ յեզիպտոս առնեին կախարդքն, զոր ինչ առնէր Մովսէս: Պիս. մի ընդ բարբառ բանին հայեցիս, այլ ընդ ճշմարտութիւն իրացն, զի թէ արդարեւ կարող էին կախարդքն առնել ինչ որպէս Մովսէսն առնէր ճշմարտութեամբ, ընդէ՞ր ապա և զՄովսէսի արարեալսն առնէին և ոչ նոր ինչ. ուստի յայտ է՝ տեսաւդքն զարհուրեալք ի ճշմարիտ նշանացն Մովսէսի առ աշաւք թուէր, թէ և կախարդքն այնպէս առնեին, վասն որոյ ի նոյն տեղոց ճշմարիտ նշանն ի Մովսէսէ եղեալ յանդիմանէր զստութիւն կախարդացն... Դարձեալ յորժամ կեղն և խաղաւարտն հալածեցին զնոսա, զի եղեւ կեղն և ի կախարդոն, յայտնի եղեւ ստութիւն նոցա, որք ի հարկէ խռատովանեցան, թէ՝ Մատն աստուծոյ է այս: Քանզի թէ կարող լեալ էին զհարուածո ի Մովսէս և յԱհարոն զարձուցեալ էին:

Հզ. Մովսէսի ոչ կարէին առնել ինչ, զի աստուծ ընդ նմա էր, բայց մեղաւորաց կարեն առնել զշար և զբարի: Պիս. Եւ ոչ երբէք, ոչ արդարոյ և ոչ մեղաւորի շունին կարողութիւն առնել:

առներ ճշմարտութեամբ, ոչ էր պարտ զՄովսիսի արարեալս առնել: Նա աւանիկ ճշմարտութիւնն զոշ ճշմարտութիւն յայտ առնեն, զի կանգնէր մի վիշապն և զբազում վիշապս կլանէր, և ստուեր և նմանութիւն և տեղի անդամ ոչ երևէր: Ապա մինչ ի կախարդքն դարձան հարուածքն՝ կեղք և խաղաւարտք՝ յայտնի եղեւ ստութիւն նոցա և ի հարկէ խոստովան եղեն թէ ձեռն աստուծոյ է: Բայց թէ կարող լեալ էին զյարուածն ի Մովսէս և յԱհարումն դարձուցանէին:

9. Հարցումն. Մովսիսի ոչ կարէին առնել ինչ, զի աստուած ընդ նմա էր, բայց մեղաւորաց կարեն առնել շար և բարի:

Պատասխանի. Ոչ միայն մեղաւորաց շեն ձեռնհաս կախարդք բարւոյ և շարի, այլ և ոչ անասնոց անմտից, բայց զոր աստուած մատնէ. այլ առանց աստուծոյ ոչ կարեն սպանանել, զի ի տեառնէ են ելք մահու: Սպասէ մեղաւորն արդարոյն, այլ տէր ծիծաղեսի զնորաւք և ոչ մատնէ զնա ի ձեռս նորա: Նա և ոչ ճնճղուկ անկանի յորողայթ առանց հրամանի հաւր ձերոյ որ յերկինս է, զի ամենայն ինչ նովաւ եղեւ և նովաւ (նար. աստուծով) անցանէ:

10. Հարցումն. Կայէն առանց աստուծոյ սպան զԱրէլ և սպանողն Կայինի առանց աստուծոյ սպան զԿայէն և Հերովդէս զՅովհաննէս, և ամենայն արդարքն առանց աստուծոյ մեռան յանաւրինաց:

Պատասխանի. Զի թէ լինի մարդ առանց աստուծոյ և մեռանի: Ոչ պոռնըկորդին աստուծոյ հրամանաւն լինի և ոչ մեղաւորն աստուծոյ հրամանաւն մեռուցանէ զարդարն, այլ սատանայ է պատճառ շարեացն: Աստուած հրեշտակաց անքննելի է և անհասանելի ամենից, զի որ քննէ զծով՝ մեռանի: Լինե-

#### Վահեամ

ինչ շար կամ բարի առանց հրամանին աստուծոյ, զի տէր է որ սպանանէ և կեցուցանէ, և ի տեառնէ են ելք մահու, բանզի և ճնճղուկ յերկիր ոչ անկանի առանց աստուծոյ, որով ամենայն ինչ եղեւ և նովաւ փոխի և նովաւ անցանէ (Վահրամ, էջ 21—22):

լութեան պատճառ աստուած է, զի աւրհնեաց ի սկզբանէ զարդարն աճել և բազմանալ. ի մերձենալ արուին յէզն աստուածոյ հրաման կատարի, լինի աճումն ըստ նախակարգ հրամանի աստուածոյ: Աստուած է պատճառ լինելութեան և ոչ սատանայ, որպէս ասէ. Առանց աստուածոյ, եղեւ և ոչինչ: Սատանայ հրապուրանաց է պատճառ: Նոյնպէս և մահու հրաման յաստուածոյ է. Յորում աւոր ուսիցես՝ մեռցիս. եկեր և մեռաւ:

Եկն Քրիստոս և եսպան զմա՞ն և կենագործեաց զմարդիկ: Ինքն Քրիստոս իւրով կամաւքն մեռաւ յանաւրինացն և արդարոցն թույ ետ մեռանիլ յամբարշտացն, զի ուրախասցին յարքայութեանն, որպէս և գրեալ է. Ընդ Քրիստոսի մեռանին, ընդ նմին և թագաւորեսցեն:

Արդ այնք որք զաստուածոյ փառս և զպատիւ արարշութեանն սատանայի տան, ի հուր գեհենի է ժառանգութիւն նոցա:

11. Հարցումն. Եթէ կարիցե՞ն կախարդը որդիս տալ ամլոց և զմէջ (Վաշ. ի մէջ) ստնտուկս (իմա՞ զմէջ սկընդուկս) բարի առնել.

Պատասխանի. Ամլութեան բազում պատճառք են. այն զոր աստուած արգելեալ է՝ չէ որ որ նմա ձեռնհաս կարէ լինել, ոչ կախարդ և ոչ բժիշկ: Բայց եթէ պատճառք ցաւոց ինչ իցէ (Վաշ. ին ինչ), զայն կարող են և բժիշկք ուղղել աստուածոյ ազդեցութեամբն դեղովք: Այլ առանց աստուածոյ, թէ և ամենայն բժիշկք և կախարդք ժողովէին՝

#### Պահեամ

Հց. Ակա և ամլոցն ոչ կարիցեն կախարդքն որդիս տալ և զմէջս փակեալս բերրի (Ճեռ. № 631—բերրի) առնել:

Պատ. Ամլութեան պատճառք յուլովք են, այն՝ զոր աստուած արգելեալ է, չկարէ որ նմա ձեռնհաս լինել, ոչ կախարդք և ոչ բժիշկք. զի յաստուած է, որպէս ասէր Յակոբ առ Հոարել, յորքամ ասէր՝ Տուր ինձ որդիս. և Յակոբ պատասխանեց՝ Միթէ աստուած իցեմ ես, որ արգելի զպտուղ որովայնի բոյ: Բայց եթէ ի պատճառէ ցաւոց իմերէ, զայն կարեն բժիշկքն ուղղել աւզեականութեամբն աստուածոյ՝ ազդեցութեամբ դեղոց. այլ զոր ձեռն վերնոյն փակեալ է՝ չէ որ լուծանէ, բայց ինքն միայն Միթէ կարէին ամենայն բժիշկքն կամ կախարդք Սառայի տալ որդի կամ Եղիսարեթի (էջ 23):

ոչ կարէին Սառայի որդիս տալ: Զոր ձեռն վերնոյն փակեալ է, չէ ոք որ լուծանէ:

12. Հարցումն. Դիւահարութեան պատճառ ի՞նչ է մարդկան.

Պատասխանի. Վասն հպատութեան մարդկան լինի, զի որդի որ մտավարժ է և իմաստուն, գան ոչ բմպէ. իսկ որ անմիտ է, հանապաղ գանալից է:

13. Հարցումն. Մեղաւորք վասն մեղաց տանջին, իսկ տղայոց անմեղաց զի՞ տիրիցեն զեք:

Պատասխանի. Զամենայն մարդ յորդեգրութիւն կոչէ աստուած, որպէս զիսրաէլն. Նա է որդի իմ անդրանիկ իսրաէլ, և Որդիս ծնայ և բարձրացուցի: Արդ եթէ փակեալքն ընդ աւրինաւք որդիք կոչին, որշափ ևս առաւել ազատեալքս, զոր[ոց] ասէ իսկ. Ետ նոցա իշխանութիւն որդիս աստուծոյ լինել:

Արդ զի իրքն յորդիս մատուցեալ է ի մեզ աստուած առ երբեմն խրատել [հարկանէ] զանասունս մեր, երբեմն զանդաստան և զայգիս մեր, զի հայելով ընդ այն ի միտ առցուք մտանել ընդ լծով երկեղի ծառայել տեառն: Ապա մինչ այսու ևս ոչ խրատիմք, ի մեզ առաքէ տանջանս պէս պէս ցաւոց, և խեղութեամբ, մատնէ և դիւաց զտղայս մեր, զի ի միտ առցուք. թէ Արդարն հազիւ կեցցէ, իսկ ամբարիշտն ո՞ւր ապրի:

Եւ տղայոցն յայն սակս պատահի այն (նար. չի՞ այն)՝ զի մի արդարն ի բարիս դործելոյ դադարեցէ և մի մեղաւորն ի մեղս յամել կարասցէ: Եւ չէ այսմ պարտական, այլ շար զործք մարդկան բարկացուցանեն զաստուած,

...Եւ դիւահարութիւնք վասն հպարտութեան մարդկան լինին: Քանզի եթէ որդի ուրուք մտավարժ իցէ, գան ոչ բմպիցէ. և որ չէն մտավարժ՝ բազում անդամ զծառայ այր առաջի նորա գան հարկանեն, զի ի նա հայեցեալ՝ ընդ այն լինիցի մտավարժ. ապա եթէ և այնու ևս ոչ խրատիցի, ի նա իսկ մատուցանեն զտանջանսն:

Այս ասացաւ վասն հարցանելոյ ոմանց, թէ մեղաւորք վասն մեղաց տանջիցին ի դիւացն, տղայոցն անմեղացն ընդէ՛ր տիրիցեն զեքն:

Զամենայն մարդիկ յորդեգրութիւն կոչէ աստուած, որպէս զիսրայէլէ ասէք. Որդի անդրանիկ իմ իսրայէլ. և դարձեալ՝ թէ Որդիս ծնայ և սնուցի: Թէ առարինեալքն ընդ աւրինաւք որդիք կոչէին, որշամ փ ևս առաւել զորոց ասէ՝ թէ Ետ նոցա իշխանութիւն որդիս աստուծոյ լինել:

Արդ քանզի իրքն յորդիս մատուցեալ է ի մեզ աստուած խրատել, երբեմն հարկանէ առաջի մեր իրքն զծառայ՝ զանասուն մեր, և երբեմն զանդս և զայգիս, զի ընդ այն հայեցեալ՝ մտցուք ընդ լծով աստուծոյ երկիւղին: Ապա եթէ այսու ևս ոչ խրատիցիմք, ի մեզ իսկ մատուցանէ զտանջանսն, կամ ցաւովք, կամ խեղութեամբք, կամ դիւաւք: Տանջին և անմեղք՝ զի ի մտի կալցին այլքն զբան իմաստնոյն՝ որ ասէ. թէ Արդարն հազիւ կեցցէ, ամբարիշտն և մեղաւորն ո՞ւր զտանիցին:

Եւ այն յայն սակս լինին՝ զի մի արդարն յարդարութենէն ծուլասցի, և մի մեղաւորն միշտ ի մեղսն կայցէ: Եւ չէ այսմ պարտական աստուած, այլ շարիք մարդկան ածեն զաստուած այնպիսի տանջանաւք խրատել զմարդիկ:

Հմմ. Վահեամ, Ին և Ի՞ն հարցումների նետ.

Հզ. Եւ ընդ որո՞ց տեղաց պատահէ այս ցաւ մարդոյն ի տեառնէ: Պիս. Ընդ ամենայն մեղաւորք, առաւել վասն հպարտութեան և թերահաւատութեան մարդոյ:

Հզ. Մարդկան ի շափ հասելոց դրեսուք վասն մեղաց կրել զայս, անմեղ տղայքն ընդ որո՞ց սիալանաց տանջին ի դիւաց: Պիս. Անհաս ևն խորքն աստուծոյ և ինքն միայն զիտէ զաւուտ մարդոյն... (էջ 24—25):

և այնպիսի ցասմամբ մատնէ զտղայս մեր դիւաց։ Զի որպէս այլոց հաւատովք բժշկեաց զանդամալոյծն, և շնորհեաց նմա թողութիւն մեղաց, նոյնպէս և այլովք տանջանաւք ածէ յերկիւղ զրազումս։ Է զի անմեղ տղայովք և է զի մեղուցելովք, որպէս և ինքն միայն գիտէ բարերարն։ Եւ ոչ եթէ ի զատապարտութիւն ինչ մարդոյն ոգոյն լինի տանջումն դիւաց, այլ առաւել յարգահատութիւն։ մանաւանդ թէ անմեղ ոք իցէ. և վասն այլոյ երկեղի ի միտսն արկանել մատնի յայնպիսի տանջանսն, զոր իրու զմտրակ կախեալ ի տան (Վար. տուն) իշխանին՝ դարձուրեցուցեալ զտեսաւզսն, նոյնպէս և տղայոցն Ականսն ի զդշումն ածէ զմեղաւորսն։

Այլ ասեն՝ կախարդք յղեն զգեսն և հանհն։ Կախարդք զգես ոչ կարեն հանել, տէրն ասաց. Սատանայ զսատանայ ոչ հանէ։ Մարդ որ զաստուած թողու զսրբութիւն, զպահս, զաղաւթս, և ի զիւթս և ի կախարդս ապաւինի և քակէ զյոյսն յաստուծոյ, թոյլ տայ Քրիստոս դիւաց բնակիլ ի նմա և տանջել զնա և պահանջել զոգի նորա և տանել ի դժոխս, որպէս զոգիս անաւրինացն։ Կախարդք դիւաց բազինք են և չին համարեալ ի քրիստոնեայս։ Ոչ զոք ի կախարդաց կարես տեսանել անցաւս և անդես։ Նա և տեսանեմք զկախարդսն միշտ լլկեալ (Վար. ծնկեալ) ի դիւացն, և մանաւանդ մոլիքն, զի նախ ինքեանք մոլիքն և դիւահարին ի դիւացն կատազութենէ, և խոստանան տալ բժշկութիւն յուսացելոցն ի նոսա. բայց ոչ են ձեռնհաս, զի ի ձեռս աստուծոյ է ամենայն, որպէս ասաց մարգարէիւն. Ես սպանանեմ և ես կեցուցանեմ։

Զի որպէս այլոց հաւատովք հաստատեաց զանդամալոյծն, և շնորհեաց նմա թողութիւն մեղաց, նոյնպէս և այլոց սակաւուց տանջանաւք ածէ յերկիւղ և ի խրատ զրազումս։ Յո՞րժամ դիպիցի անմեղաւք, և յո՞րժամ դիպիցի մեղաւորաւք, որպէս ինքն միայն ճարտար զիտէ։ Եւ ոչ եթէ ի զատապարտութիւն ինչ ոգոց լինին մարդոյն տանջանքն դիւաց, այլ առաւել ևս յարգահատութիւն. մանաւանդ՝ թէ անմեղ ոք իցէ. և վասն այլոց երկիւղ ի միտս արկանելոյ՝ յայնպիսի տանջանս մատնիցի, զոր իրու զմտրակ կախեալ ի մեծի տանս՝ ցուցանէ աստուծոյ տեսչութիւնն, զի հայեցեալ ընդ այն բազմաց՝ ամփոփեսցին և մտցեն երկիւղիւ ընդ աստուծոյ հնազանդութեամբ... (Էջ 39 տող 30— Էջ 40 տող 29):

Այլ կախարդք, ասեն, յղեն զես և հանեն զդես։ Զի կախարդք զգես ոչ կարեն հանել՝ բաւական է մեզ հաւանեցուցանելոյ բանն տեառն, զոր ասաց՝ թէ Սատանայ զսատանայ ոչ հանէ։ Զի կախարդն եթէ հանէր, ապարէն զիւաց հանէր. և զդիւ ասաց Քրիստոս՝ թէ Դե զդես ոչ հանէ. ապա յայտ է թէ այլազդ իմն իրք լինին, որպէս ի նոցանէն խել ելեալ է բանն՝ և ոչ ի մէնց։ Ասեն. հանել շկարեն, բայց անդէն կապել մարթեն, զի հանապաղ խեղդ ընդ անձն հոգոց մարդոյն զես լինիցի։ Եւ այն յաստուծոյ արժանիցն յիրաւի լինի. զի եթող ոմն զաստուած, զսուրս, զպահս, զաղաւթս, և ի կախարդն՝ որ և անձին շկարէ աւգնել՝ ապաւինեցաւ։ Զի ո՞ ոք ի կախարդաց անցաւ և անդէ և անմահ իցէ։ Նա և տեսանեմք խել զկախարդսն միշտ ծնկեալս ի դիւացն, և մանաւանդ մոլիքն, զի նախ ինքեանք դիւահարին, և ապա այլոց իմն խոստանան տալ, որ չիցէ ի ձեռս՝ ոչ նոցաւ և ոչ դիւացն, որոց բանիւ խաւսին տալ ինչ ումեր, բայց միայն աստուծոյ՝ որ արարիչն և տուիչն է։

Եւ արդ քան անդէն կապել կախար-

դացն զգեմ՝ որպէս ասենն, և խեղդ ընդ  
անձն միշտ ոգոց մարդոյն առնել, լաւ  
էր թէ յայտնէր, և սրբովք աղաշեցեալ  
զաստուած՝ աւգնականութիւն դտանէր  
բուժելոյ ի շարէն:

Այլ մեր ասեմք, թէ մտանելոյ ի  
մարդ շունի իշխանութիւն՝ առանց աս-  
տուծոյ թուլացուցանելոյ: Եւ այնր պէս  
պէս պատճառք են, որպէս ինքն միայն  
դիտէ, և յայտ անտի է՝ զի յորժամ ի  
խոզից երամակն մտարերեցին մտա-  
նել, ոչ կարացին մտանել՝ եթէ ոչ նախ  
ի Քրիստոսէ առին հրաման: Եւ յորժամ  
զՅովըն կամեցաւ փորձել սատանայ, ոչ  
իշխեաց ժուել՝ եթէ ոչ նախ յաստուծոյ  
առ հրաման փորձելոյ:

Ոչ իշխէ սատանայ ի մարդ մը-  
տանել, բայց հրամանաւն աստուծոյ,  
և ոչ լոկ ի մարդ, այլ և ոչ ի զեռունա:  
Բայց փորձիշ ետ աստուած զսատանայ  
և փորձէ նովաւ, որպէս ասաց մար-  
դարէիւն: Արկ արծաթ (նար. զարծաթ)  
ի բովս եթէ փորձ իցէ: Որպէս վասն  
նոցա փորձեցաւ Քրիստոս ի սատա-  
նայէ, և ձեզ պատուիրեաց Քրիստոս  
յաղաւթս կալ, շմատնել ի փորձութիւն,  
այլ և զմեղսն համբերողս—այլ զի  
պատերազմասէր է շարն և խնդրէ կո-  
րուսանել զամենայն, Քրիստոս ասաց.  
Խնդրեաց սատանայ մաղել զձեզ—ըստ  
խնդրելոյն սատանայի ետ զնոսա ի  
փորձութիւն: Եւ իշխանութեամբն, զոր  
առեալ էին ի Քրիստոսէ, զնացին ի  
վերայ իժի և քարքի, և կոխեցին և հա-  
րին զգետնի:

Եւ ընդդէմ Յովբայ պարզեաբաշխ  
եղեւ սատանայ յասելն աստուծոյ ցսա-  
տանայ. Նայեցար ընդ Յովբ. և ետ զնա  
և զորդիս նորա և զստացուածս նորա:  
Ետ յաղթութիւն Յովբայ վասն արդա-  
րութեանն, հար զշարն և յաղթեաց նմա  
և հոշակեցաւ:

Այլ աստուած տայ ի փորձութիւն  
զամենայն ոք, վկայէ Մկրտիչն, ասէ.  
Գայ այլ զկնի իմ, որոյ հեծանոցն ի  
ձեռին իւր, սրբել զկալ իւր և ժողովել  
զցորեանն յշտեմարանս և զյարդն այ-  
րեսցէ անշէջ հրով: Յայտ արար համա-  
ռաւտ թէ որպէս շեղջ կալոյ առանց  
հողմածին աւդոյ շարքի, նոյնպէս և  
մարդ առանց յաղթելոյ սատանայի ոչ  
կարէ մտանել յարքայութիւնն:

Եւ զէնք սատանայական պատերազ-  
մի այս են. կախարդութիւնք, թովշու-  
թիւն, զիւթութիւն, աստեղազիտութիւն  
և նմանք նոցին: Զոր ասէ Մեղս մահու  
շամի՝ այս են. հայհոյութիւնք: Ամենայն

մեղաց թողութիւն կայ ապաշխարութեամբ, բայց վասն սորա համառատ զնիու ետ տէրն մեր Քրիստոս. Որ զնոդին սուրբ հայհոյէ, մի թողցի նմա: Վասն այսորիկ ասէ. Մի թողցի, զի ոչ լինի արժանի ապաշխարութեան. որպէս հովիւ, զի թափէ զոշխար ի գաղանէ և տեսանէ պատառեալ զորովայնն, թողու դգէջն ի գաղանն և ի բաց գնայ, նոյնպէս անտես առնէ հովիւն Քրիստոս և թողու զհայհոյիշ հոգւոյն սրբոյ: Վասն որոյ ասէ առաքեալ: Կամակար մտաւք եթէ յանցանիցնմբ յետ ընդունելութեան գիտութեան, այնուհետև անաւգուտ է վասն մեղաց պատարագ: Եւ ամենայն ոք որ քրիստոնեայ է, և լուաւորեալ է յաւազանէն հոգւովն սրբով, և ապստամբ է յաստուծոյ ի ձեռս է սատանայի, և հալածական առնէ զսուրբ հովին յինքենէ և դիւաւք վարի և պէսպէս հմայիւք և կախարդութեամբ՝ այնպիսին շինի ապաշխարութեան արժանի և շտայ նմա սատանայ թոյլ ապաշխարել: Վասն այնորիկ զրեցան, թէ Են մեղք որ մեղք են և է որ մահու շափ է:

Բայ որում և վասն Յուղայի ասաց Քրիստոս, թէ Մինդ (նաշ. միդ) ի ձէնջ սատանայ է, և թէպէտ և զողութեամբն շանացաւ սատանայ առնել զնա բազին, սակայն առանց Քրիստոսի ոչ կարաց մտանել, այլ յորժամ ետ զպատառն և ասէ. Սրա զինչ առնելոց ես: Յետ տալոյն զպատառն, ապա եմուտ ի նա սատանայ: Եւ դիւահարք իսկ, որ տանչէին ի դիւաց, թէ ոչ պահպանող զաւութեանցն պահէր, շարաշար ախտիւն խեղդէին զնոսա: Այլ ոչ լոկ զդիւահարսն, այլ և զիւրեանց իսկ պաշտաւնեայսն թէ ոչ աստուծոյ ահն պահէր՝ ազդի ազդի խեղդութեամբք խեղդէին, բայց վասն զի ոչ են ձեռնհաս և մտարերել շիշին:

14. Հարցումն. Ծնունդք են դիւաց և մահ, անհն և պակասեն.

Եւ զՅուղայէ ասէ, թէ Ընդ պատառոյն եմուտ սատանայ: Զի թէ շէր Քրիստոսի թուլաց[ուց]եալ և սատանայի՝ որ գրգռէին, և Յուղայի՝ որ վասն կծծութեան եկն յայն, ոչ իշխէր մտանել ի նա. այլ վասն յանդիմանելոյ զանձնիշխանութիւն երկոցուն՝ թուլացոյց ըստ կամաց երկոցունց: Նա և մինչ դեռ տանչին իսկ ոմանք ի զիւէ, եթէ ոչ յաստուծոյ տեսչութիւն լինէր նմա, շարաշար մահուամբ սատակէր: Նա և զպաշտաւնեայսն իսկ իւրեանց՝ եթէ ոչ աստուծոյ սաստ պահէր, ազդի ազդի խեղդութեամբք խեղդէին, և անհնարին մահուամբք սպանանէին: Բայց վասն զի ոչ են ձեռնհաս, ոչ իշխեն յայնպիսի իրս մտարերել...

(Էջ 41 տող 12—42 տող 18)

Եւ արդ քանզի անմարմինք են հրեշտակք և դեք, յայն սակս և ծնունդք ոչ

Պատասխանի. Նախ զայն տեսցուք թէ դո՞ն այլ արարածք բանաւորք քան զհրեշտակս և զմարդիկ և զդես, և ապա եկեսցուք յայն, թէ իցե՞ն դիւաց կէս մարմնաւորք և կէս անմարմինք: Զի շեն այլ արարածք բանաւորք, քան զերեք ջոկ. յաստուածային գրոց և ի բընութենէ արարածոց յայտ է: Թէպէտ և ասին յուշկապարիկք և համբարուք և պարիկք և պայր, ըստ կարծեալ մտաց մարդկան ասին և ոչ ըստ բնութեան, զի դիւաց է կերպարանս ցուցանել, և մարդիկ գկերպարանս անուանադրեն, որպէս յորժամ քաղաքք և գեւզք աւերեսցին և անդ դեք բնակեսցեն և կերպս կերպս զանձինս ցուցանիցեն և մարդկան [ըստ] կերպի երեման անուանս եղեալ՝ կոշեն զոմն յուշկապարիկ, զոմն համբարու: Նոյնպէս և գրոց զանուանը նոցա՝ առ ի նշանակելոյ զսաստկութիւն աւերածի աշխարհի, յուշկապարկաց ասեն բնակել յաւերակս, զի ի յոյն լեզուն յուշկապարիկն իշացուլ թարգմանի:

գոն նոցա: Այլ ասեն համբարուաց ծրնունդք են և մեռանին: Նախ զայն տեսցուք, թէ բնաւ գուցե՞ն այլ ինչ արարածք բանաւորք քան զհրեշտակս և զդես և զմարդիկ: Եւ ապա եկեսցուք յայնը ի քնին, թէ իցե՞ն ի դիւաց կէսք մարմնաւորք և կեսք անմարմինք: Զի շիք ինչ արարած բանաւոր արտաքս քայս երիս ջոկս, զհրեշտակաց, դիւաց և զմարդկան, յամենայն աստուածատուր գրոց և ի բնութենէ արարածոց յայտնի է: Բայց թէպէտ և ասին ինչ անուանք ի գրոց յուշկապարկաց կամ համբարուաց կամ պարկաց, ըստ կարծեաց մտաց մարդկան ասին, և ոչ ըստ բնութեան, քանզի դիւաց է կերպարանս կերպարանս ցուցանել, և մարդիկ ըստ կերպարանացն անուանս դնեն. Որպէս յորժամ քաղաքք և գեւզք աւերեսցին և անդ դեք բնակիցեն, և կեղծս ի կեղծս յայտնիցին, և մարդկան ըստ կեղծեաց նոցա անուանս եղեալ՝ զոմն յուշկապարիկ, զոմն պարիկ, զոմն համբարու կոշիցեն. Նոյնպէս և գրոց ըստ մարդկան կարծեացն եկեալ՝ առ ի նշանակելոյ զսաստկութիւն աւերածի աշխարհին, յուշկապարկաց ասեն բնակել յաւերակսն, զոր յոյն լեզու իշացուլս ասէ:

Արդ ցուցցե՞ն թէ գտանիցին իշացուլք ի Բարելունի, ապա ուրեմն յայտ է՝ եթէ անուանք առանց անձանց են յուշկապարկաց և իշացլուց. և գիրք ըստ սովորութեան մարդկան կարծեաց եկեալ, նոյնպէս անուանեցին՝ առ ի զաւերն Բարելոնի նշանակելոյ, իրք զծովացուլն՝ զոր ի կովէ ելեալ ասեն, և զպայն իմն ի մարդկանէ, և զառէզն ի շանէ, եւ այն ոչ եթէ անձինք ինչ են, այլ անուանք դրանգտանաց, և բաջադանք մոլորելոց մտաց ի դիւաց: Զի ի մարմնաւորէ աներելոյթ ինչ որ ելանէ, որպէս ոչ յաներեւութէ իմեք մարմնաւոր: Ոչ երբէք ի մարդկանէ ելեալ պայն՝

Արդ ցուցանե՞ն եթէ գտանի իշացուլք ի Բարելունի, ուրեմն յայտ է՝ թէ լոկ անուանք են և ոչ տեսակք և զիրք ըստ սովորութեան մարդկան խաւսից անուանեցին զդես, որ յաւերակսն Բարելովնի բնակեալ են: Եւ նոյն ազդեցութեամբ դիւացն բարբանջեն մարդիկ, զծովացուլն ի կուսէ (իմա՞ ի կովէ) ասեն ելեալ, և զպայն ի գետոյ, և զառալէզն ի շանէ, և զխանդիռն (ՎԱՐ. զխանդիրն) ի յիշոյ, և նահանդն (ՎԱՐ. զնահանդն) ի ծիոյ: Եւ այս (ՎԱՐ. այսք) ոչ եթէ տեսակք ինչ, այլ անուանք և եթ են հեթանոսական կռապաշտիցն: Զի որք զդեսն պաշտէին՝ ի դիւացն հաջէին իրք զշուն, և նոյն մոլորութեան սովորութիւն կալաւ զերկիր: Եւ ոչ ի քրիս-

տոնէից դարձան ի բաց ի դիւապաշտ մոլիգնութենէ և ոչ ոք էր յառաջնորդաց որ հովուէր ըստ քարոզութեան աւետարանին։ Զայս զիարդ ոչ իմանայ թէ ի մարմնաւորէ աներեւոյթ ոչ ինչ ելանէ և յաներեւոյթէն մարմնաւոր ինչ։ Ոչ երբէք ի մարդկանէ ելեալ պայն, զորմէ ասեն՝ թէ երես ածէ, և ոչ ի կովուց ծովացուլ և ի ծովակի բնակեալ։ Զի ցամաքային մարմնաւորի ոչ ինչ է հնար ի ջուրս բնակիլ և ոչ ջրայնոյ ի ցամաքի. և ոչ իշխան (իմա՛ ի շանէ) ինչ եղեալ, թէ ընդ աներեւոյթ զաւրութիւնս կայցէ (նար. կացցէ) և զոր շլեզն կոշին, թէ զիիրաւորս պատերազմի լիզին և ողջանան. այն բարբաջանք հեթանոսաց են և պառաւանց առասպելք, մանաւանդ թէ դիւաց իմն մոլորութիւն։

Այլ վիճեալ պնդին թէ և մերումն զծովացլու ձայն հանապաղ լսեմք, և ոմն թէ զպայն իմ իսկ աշաւք տեսեալ է, և ոմն զի զառալէզն իմ իսկ տեսեալ է լիզելով։ Եւ այսպէս յամառին որպէս հեթանոսս և զայն ոչ իմանան, թէ դեք լինին ի կերպարանս և հանեն ձայն ահազին։ Եւ առաքեալ [ն] ասէ. Սատանայ կերպարանի ի հրեշտակ լուսոյ, որշափ առաւել ևս յանասնոց կերպարանս ի զարհութեցուցանել զմարդիկ։ Ոչ այդպէս, ասեն, այլ յառաջին ժամանական զխոցս պատերազմին ողջացուցին լեզուովն։ Անմի՛տ, արդ զի՞ շրժշկեն, ո՞չ նոյն պատերազմունք և արդ են։ Ասեն. յայնժամ դիցազունք էին։ Արժա՞ն է քրիստոնէից այնպէս խաւել։ Զի՞նչ իցեն դիցազունքն, անմարմի՞նք են, թէ՝ մարմնաւորք։ Յայտ է թէ մարմնաւոր մարդիկ զմարդկան ուրուականս ի պաշտան առեալ դիս անուանեցին։ Ապա եթէ անմարմինք էին, յայտ է թէ անմարմնոյն չէ մարթ թէ ընդ կանայս ամուսնանալ։ Զի թէ այնմ հնար էր ծնուցանել. բայց ոչ էր հնար, զի որ անմարմինն է նոյն և անսերմն է. զի սերմ մարմնաւորաց է և

եթէ երես արարած իցէ (իմա՛ արածիցէ), և ոչ ի կովուց ծովացուլն ելեալ՝ եթէ ի ծովակս բնակիցէ։ Զի մարմնաւորի չէ հնար՝ թէ ի ջուրս կեցէ, որպէս ոչ ջրականին՝ թէ ի ցամաքի կեցէ. և ոչ ի շանէ ինչ ելեալ, եթէ ընդ աներեւոյթ զաւրութիւնս ինչ կեցէ, և յորժամ վիրաւոր ոք անկեալ ի պատերազմի դրնիցի՝ թէ լիզիցէ և ողջացուցանիցէ. այլ ամենայն առասպելք են, և պառաւաց դրդշիւնք, և մանաւանդ թէ ի դիւաց իսկ մոլորութիւնէ։

Այլ և վիճեալ ևս պնդին ի բանիցն վերայ։ Մին ասէ՝ թէ ի մերում զեաւդ ծովացուլ զկով (իմա՛ ծովացուլս կով) զործեաց, և զգոշիւնն հանապաղ մեք լսեմք ամեներեան։ Եւ միւսն ասէ. զպայն իսկ իմ աշաւք տեսեալ է։ Միթէ և զարալիզէ՞ն ևս ոք կարիցէ ասել՝ թէ և զայն ուրուք տեսեալ իցէ։ Եւ եթէ յառաջին ժամանակսն արալէզք լիզէին զիիրաւորս և ողջացուցանէին, արդ ընդէ՞ր ոչ լիզիցեն և ողջացուցանիցեն, ո՞չ նոյն պատերազմունք են, և նոյնպէս վիրաւորք անկանին։

Այլ յայնժամ, ասեն, դիցազունք էին։ Եւ մեք զդիցն իսկ պահանջեսցուք ի նոցանէ։ Մարմնաւո՞րք էին արդեաւք դիբն, թէ՝ անմարմինք։ Եթէ մարմնաւորք էին, յայտ է եթէ մարդիկ էին, և զմարդկան ուրուականս ի պաշտան առեալ՝ դիս անուանեն։ Ապա եթէ անմարմինք էին, չէր մարթ անմարմնոցն ընդ կանայս մարմնաւորս ամուսնանալ։ Զի եթէ այնմ հնար ինչ էր, ոչ երբեք զադարէր սատանայ ի կանաց սատանայածինս ծնուցանել։ Զի որ անմար-

ոչ անմարմնոց: Զի որպէս ոչ զոյ ծընունդ (նար. ծնունդք) դիւաց, նոյնպէս ոչ զոյ մահ. թէպէտ և անմահ աստուածութիւն է, սակայն անմահութիւն շնորհեաց հրեշտակաց և որդւոց (իմա՞հոգւոց) մարդկան: Եւ դիւաց ոչ աճումն ունի և ոչ ծախումն, բայց մարդկան է աճումն ամուսնութեամբ (նար. մարդկան աճումն ամուսնութեան) և մեռանիլ վասն պատուիրանաղանցութեան մարմնով և ոչ հոգւով: Եւ այլ արարած ոչ զոյ որով կերպարանել կարէ, ոչ վիշտալ և ոչ այլ ոք, բայց հրեշտակք և դեք:

մին ոք է, նա և անսերմն է: Վասն զի սերմն մարմնաւորաց է և ոչ անմարմնոց. և առանց սերման ի կնոջէ ծնանել միումն ևեթ մարթ եղէ՝ որ արարիչն է բնութեան մարմնոյ. և որպէս կամեցաւ, կարող եղէ ի կուսէ ծնանել առանց ամուսնութեան: Ուստի ամենայն իմաստնոց արտաքնոց յիւրաքանչիւր դիցն տկարութիւն հայեցեալ, շիշխեցին ասել՝ թէ ի կնոջէ ոք առանց ամուսնութեան ծնաւ: Եւ որպէս ոչ զոյ ծնունդք դիւաց, նոյնպէս և ոչ մահ: Թէպէտ և անմահ բնութեամբ աստուածութիւնն եեթ է՝ որ մշտնչենաւորն է, և ոչ յումեք առեալ սկիզբն լինելոյ, այլ և սկրզբնաւորացն և բանաւորաց պարզեցաց աննախանձ զանմահութիւն, զհրեշտակաց և զդիւաց ասեմ, և զոգոց մարդկան: Յորոց մարդիկ, քանզի յերկուց բնութեանց են՝ ի մարմնաւորաց և յանմարմնոց, յիրաւի սերին ծննդեամբ, և դան յաճումն ամուսնութեամբ. և մեռանին, մարմնովք և ոչ ողովք, վասն պատուիրանաղանցութեանն:

Այլ հրեշտակք և դեք ոչ յաւելուած ծննդեամբ առնուն, և ոչ պակասութիւն մահուամբ. այլ որպէս հաստատեցանն՝ նոյնպէս և նովին թուով կան, առանց յաւելուածոյ և նուազութեան: Եւ ոչ այլ ինչ արարած զոյ՝ որ կարիցէ ի կերպարանս կերպարանս լինել, որպէս զվիշապացն և զնհանդացն համբաւեն. այլ միայն հրեշտակք և դեք՝ որ կարող են զաւոս զնդել և պարզել, և ազգի ազգի կերպարանս երեւցուցանել...

(էջ 46 տող 9—48 տող 13):

Եւ ոչ վիշապք զտոհմականս արդեանց կրեն, և ոչ զրաստ զոյ նոցա՝ եթէ զարդիւնս ի կալոց ուրեք կրիցին, և ի զուրէ կա՛լ կա՛լն ասել ումեք ի կալս՝ և ոչ ա՛ռ ա՛ռ: Զի վիշապն որ ինքն զրաստ

15. Հարցումն. Քաջք աներևոյթ արարածք են աստուածոյ, զպատերազմունս նորա հարկանեն, զորս երէից (նար. էրէից) նորա հարկանեն և զարմտիս կալոց նորա կրեն և զգինիս ի հնձա-

#### Վահաբ

Հց. Ասպա զիա՞րդ է զի բազումք ասեն, թէ քաջք զպատերազմունս մզեն, և զորս երէոց որսան, և զարմտիս ի կալոցն կրեն, և զգինիս ի հնձանց առեուն, և վիշապք զտոհմականս անզեց ծծեն, և յոլով մարդիկ տեսեալ են զի վիշապ վերանայր յերկրէ յերկինս:

նաց, որպէս վիշտապք զտոհմականս անդէոց ծծեն:

**Պատասխանի.** Այսպիսի յիմարութեամբ լցեալ է երկիր: Միթէ՞ մարթիցէ զայսպիսիսն քրիստոնեայ ասել: Ոչ քաջ լեալ է երբէք և ոչ վիշտապք: Վիշտապք բառ է, որ ինչ մեծ է յերկրի՝ վիշտապք ասի ըստ գրոց, թէ Դու փշրեցեր զգլուխ վիշտապքին ի վերայ շուրց. որպէս մարդ մեծանձն և յաղթանդամ սկայ ասի:

**16. Հարցումն.** Ասեն. քաջաց և վիշտապք տեարք (իմա՝ տաճարք) են ի լերինս բարձունս և բնակութիւնք, և զԱղեքսանդր կապեալ ունին ի Հռոմ և զԱրտաւանդ ի Մասիս և զԱրուանդ ի զետս և ի մառանս.

**Պատասխանի.** Յորդոց մարդկան կենդանի են Ենովք և Եղիայ. այլ ամենեցուն զմա՞ն ճաշակեալ է: Բայց մոլորութիւն դիւաց խարեաց զդիցապաշտս Հայոց, թէ զԱրտաւազդ զոմն արգելեալ է վիշտապք ի Մասիս և է կենդանի, և նա ելանելոց է և զաշխարհ ունելոց: Եւ ուրումն յանմիտ իշխանաց Հայոց

է, այնու զի անասուն և անխաւսունն է, զիա՞րդ որ ինքն գրաստ է՝ զայլ գրաստ վարիցէ: Զի վիշտապք այլազգ ինչ ընութիւն չէ՝ եթէ ոչ աւձի, այն յայտ իսկ է: Եւ զաւձ յաղթանդամ, կամ զգազան ինչ ծովածին, կոչեն զիրք վիշտապք: Որպէս զմարդ յաղթանդամ հսկայ անուանն, նոյնպէս և զաւձ ցամաքային անձունի, և զգազանն ծովական լիոնաձն, զկիտացն ասեմ և զգելիինաց, վիշտապք անուանն ըստ այնմ՝ թէ Դու շախշախեցեր զգլուխ վիշտապացն ի վերայ շուրց, և ետուր կերակուր ժողովրդոց եթովպացոց...

(Էջ 48 տող 22—49 տող 1):

Եւ ոչ որս երբէք՝ որպէս մարդկան՝ արարեալ վիշտապք, կամ առնիցեն. և ոչ տաճարք իրքն մարդկան են նոցա ի բնակութիւն: Եւ ոչ զոք ի թագաւորազգեաց և ի դիցազանց ունին կապեալ առ իւրեանս կենդանի. զի կենդանիք ի մարմնաւորաց երկուան ևեթ կան, ենոք և Եղիա:

**Այլ որպէս զԱղեքսանդրէ խարէին զեք՝ թէ կենդանի կայցէ,** որոց ըստ եզիստական հնարողութեանն կապեալ արկեալ կախարդանաւք զգէ ի շիշ, կարծեցուցանէին թէ Աղեքսանդրոս կենդա-

**Պիս.—Այսպիսի յիմարութեամբ լցեալ է երկիր.** միթէ արժա՞ն է զայսպիսեաց ասացողսն քրիստոնեայ կոչել, և կամ բնաւին առ մտաւորս ունել: Ոչ քաջ լեալ է և ոչ վիշտապք. վիշտապանուն բառ է, զի որ ինչ յերկրի մեծ լինի՝ վիշտապք ասեն ըստ գրոց, թէ Դու փշրեցեր զգլուխ վիշտապքին ի վերայ շուրց և ետուր զնա կերակուր զաւրացն Հնդկաց, որ նշանակէ զփարաւոն փշրեալ ի Կարմիր ծովն, և զէն և զարդ նոցա յալեացն յեզօր ծովուն դտեալ և ի ձեռն լաւորդացն ի խորան անկաւ յաշխարհն Հնդկաց. Նա էր վիշտապք, որպէս մարդ մեծանձնեալ և յաղթանդամ ասի: Եւ թէ ուզիդ է զոր ասեն ցորեան և զինի առեալ դիւացն, սակայն ոչ ուտեն և ոչ բմբեն և ոչ ի տեղույն շարժեն զիրս, այլ երեսով իմն տան: Միթէ Հրեշտակըն զօր մատուցանէին նոցա կերակուր, որպէս Մանուէ և Գեղեռն, կերա՞ն անմարմեռ ընութիւն զիա՞րդ կերակրի զմարմնական կերակուր. դեք լոկ երեսով տան:

Հց. Իսկ ընդէ՞ր ապա ասեն ոմանց տեսեալ քաջաց և վիշտապք տաճարս ի լերինս բարձունս և բնակութիւնս, ուր զԱղեքսանդր կապեալ ունին ի Հռոմ, և զԱրտաւազդ Հայոց թագաւոր ի Մասիս, և զերուանդ ի զետս և ի մուայլ:

**Պիս.** Ոչ Աղեքսանդր կայ կենդանի ի կապանս և ոչ Արտաւազդ և ոչ այլ ոք յառաջնոց անտի. զի յորդոց մարդկան Ենովք և Եղիա միթայն կենդանիք են, այլ ամենեցուն զմա՞ն ճաշակեալ է: Բայց մոլորութիւն դիւաց խարեաց զկուապաշտսն Հայոց ի ձեռն բրմացն, որք ասէին թէ զԱրտաւազդ ոմն Հայոց թագաւոր վիշտապք արգելեալ են կենդանի ի Մասիս լեառն. և նա ելանելոց է և զաշխարհ ունելոց. և ոմն ի յանմտաց, որ ունէր զիշխանութիւն Հայոց՝ զարհուրմալ հարցանէր զըղձապատումս դիւացն և զկախարդուն, թէ երբ լինի Արտաւազդայ ելանել ի կապանաց, և նորա ասացեալ, թէ ոչ կամիս զելանելն նորա ի կապանացն՝ հրաման տուր ընդ ամենայն

Հարցեալ զղձապատումն հմաւրականս, թէ ե՞րբ լինիցի Արտաւազդայ զալ ելանել ի կապանաց, և նոցա ասացեալ. եթէ ոչ կամիս զելանելն նորա, հրաման տուր ընդ ամենայն աշխարհս Հայոց գարբնաց, որ աւր նաւասարդի է, ամենայն դարբին կռանաւ կոփէ ի վերայ սալի իւրոյ և երկաթք Արտաւազդայ անդրէն հաստատին: Զնոյն հրաման կատարեն այժմ. ամենայն դարբին կոփէ կռանաւ իւրով ի վերայ սալի:

Սոյնպէս մեծացուցանէ սատանայ առ աշաւք զվիշապն, զի յորժամ ահագինք երեսցին՝ առցեն զնա ի պաշտան, թէ նահանգ ինչ իցէ զետոց կամ շահապէտ է: Յետ կարծեցուցանելոյն ինքն կերպարանի ստուերածե երեմամբ ահեղածե տեսիլ, և զարհուրեցուցանել կերպարանի կամ վիշապ կամ նահանգ կամ շահապետ, զի այնու (նար. այնիւ) զմարդիկ յարարչէն ապստամբեցուացէ: Զի թէ էր նահանգ մարմնաւոր, ոչ երբեմն կնոջ պէս ցուլ անուն անուանին (նար. անուանեն), ոչ մերթ մարդ երեկը և մերթ աւձ, որով զաւձապաշտութիւն հնարեցաւ մուծանել յաշխարհս: Նոյնպէս և վիշապն՝ ոչ միանդամ վիշապ երեկը, մերթ աւձ, միանդամ մարդ, որպէս ցուցարն: Իսկ թէ մարմնաւոր ինչ է, ապա փոխի ոչ. այլ թէ ի կալս ջորի ոք երեխն և աներեւթանան, և ի դաշտս երազազ (նար. երադ ազդ ազդ) ձգին և ընթանան

նի իցէ և մահ խնդրիցէ\*. և գալուստն Քրիստոսի խայտառակեաց զխարէութիւնն, և երարծ ի միջոյ զգայթակղութիւնն, նոյնպէս և մոլորութիւնն դիւաց խարեաց զդիւցապաշտու Հայոց, եթէ զոմն Արտաւազդ անուն արգելեալ իցէ դիւաց, որ ցայժմ կենդանի կայ, և նա ելանելոց է և ունելոց զաշխարհս. և ի սնոտի յոյս կապեալ կան անհաւատք, որպէս և հրեայք՝ որ ի զուրակնկալութիւն կապեալ կան, եթէ Դափիթ զալոց է՝ շինել զերուսաղէմ և ժողովել զՀրեայս, և անդ թագաւորել նմանոցա:

Եւ այնպէս ջանայ սատանայ՝ զի զամենայն ոք ի բարւոք ակնկալութիւնէ վրիպեցուացէ, և ի սնոտի յոյս կապիցէ: Մեծացուցանէ յաշս մարդկան զվիշապրս, զի յորժամ ահագինք երեսցին ոմանց՝ առնուցուն զնոսա ի պաշտան: Կարծեցուցանէ թէ և նհանգը ինչ իցին զետոց, և շահապետք վայրաց: Եւ յետ կարծեցուցանելոյն ինքն կերպարանի կամ ի վիշապի կերպարանս կամ ի նահանգի իմն և ի շահապետի, զի այնու զմարդն յիւրմէ արարչէն թիւրեցէ: Զի եթէ էր ինչ նհանգն անձնաւոր, ոչ երբեմն ի կնոջ կերպարանս երեկը, և երբեմն փոկ լինէր և դաւզորդաց ընդ ոտս անկեալ՝ հեղձուցանէր. այլ կամ կինն կին կայր, կամ փոկն փոկ:

Նոյնպէս և զոր շահապետ վայրաց կոչեն, ոչ մերթ մարդ երեկը և մերթ աւձ, որով և զաւձապաշտութիւնն հնարեցաւ յաշխարհ մուծանել: Նոյնպէս և

աշխարհն Հայոց գարբնաց, որ ի նաւասարդի աւր ամենայն դարբին կռանաւ դոփէ ի վերայ սալի իւրոյ. և երկաթք Արտաւազդայ անդրէն հաստատին: Զնոյն հրաման կատարեն այժմ ամենայն դարբինը ի նաւասարդուշ կռանաւ զսալ հարկանեն:

\* Աղեքսանդրի մասին այս առասպելը, որի մանրամասնությունները «Հարցումի» մեջ շնորհ գտնում, ծանօթ է եզել նաև Աղիշեին: Իր «Արարածոց մեկնութեան» մեջ, որից պահպանվել են միայն առանձին հատվածներ, Եղիշեն գրել է. «Ապականացուին անմահանալն չէ հնար, և թէ էր՝ լինէր իրրեւ զառասպելն, զոր ասեն՝ զԱղեքսանդրոս ուն անմահ կայ, այնքան մաշեալ, որ լեզուն է միայն մնացեալ, զոր արկեալ ի շիշ, ասեն, հեծէ և ասէ. Ուրեմն թէ՝ Աղամ անմահացեալ էր, լինէր իրրե զիս» (ձեռ. № 1267, էջ 77ա—77բ):

զհետ երէոց, դեք կերպարանին առ ի մոլորեցուցանելոյ զմարդիկ:

վիշտապն ոչ մի անգամ աւծածե երևէր, և միւս անգամ մարդկակերպ, որպէս յառաջազոյնն իսկ ասացաւ՝ թէ որ մարմնաւոր ինչ է, յայլ կերպարանս չկարէ փոխել:

Այլ թէ ի կալս ջորիք և ուղարք երեխիցին, դիւաց կերպարանը են այն, և ոչ վիշտապաց: Եւ եթէ ի դաշտու երազագանք ձգիցին, և հեծեալք իրք զմարդիկ զհետ երէոյ արշաւիցին, կեղծիք դիւաց են և ոչ ճշմարտութիւն ինչ իրաց: (Էջ 49 տող 9—50 տող 11):

Л. С. ХАЧИКЯН

## ПРИПИСЫВАЕМОЕ ГРИГОРУ ПАРТЕВУ «ВОПРОШЕНИЕ» КАК ПЕРВЕНЕЦ АРМЯНСКОЙ ПИСЬМЕННОСТИ

### (Р е з ю м е)

Среди источников «Опровержения ересей» Езника Кохбаци особое место занимает выявленное Г. Тер-Мкртчяном и изданное Н. Адонцем вместе с французским переводом (*Revue de l'Orient Chretien, troisième série, tome V (XXV). 1925—1926, № 3—4, стр. 312—322*) «Вопросение», которое в середине века приписывалось Григорию Просветителю.

В этом важном для истории раннефеодальной идеологии памятнике с позиций христианского вероучения опровергаются армянские языческие верования, сообщаются ценнейшие сведения, касающиеся армянского фольклора.

«Опровержение ересей» Езника создано в 40-х годах V века, следовательно, являющееся одним из его первоисточников «Вопросение» должно быть написано на заре армянской литературы—в первые десятилетия V века.

Оценивая этот важный памятник и приводя новые данные в пользу того положения, что «Вопросение» несомненно написано до «Опровержения ересей», автор статьи пытается установить имя его автора и приходит к выводу, что, по всей вероятности, им является Месроп Маштоц.

В подтверждение этого вывода приводятся следующие данные.

#### Վանական

Որպէս զայս ստութիւն արձանացուց սատանայ յաշխարհ, նոյնպէս և վիշտապ, որ է աւծ մեծ, առ աշաւք մեծ ցուցանէ, զի ահազին երեխալ մարդիկ ի պաշտուն առնիցն զաւձն. որպէս և արարին բարելացիք և ելաղացիք՝ զվիշտապ աւծան պաշտեցին և յարարչէ հեռացան: Սոյնպէս և ինքեանք դեքն ջորիք և էջք երեխն ի կալ՝ կրել ցորեան և դինի. և արագ արագ վաղ առնեն երեսութիւք ի դաշտու, իրք թէ որսան. Սուտք ամեներեան (Էջ 14—16):

1. Борьбу против язычества и проповедь христианского вероучения в Армении возглавлял Маштоц. Против языческих верований он выступал и в других произведениях, из коих сохранился лишь маленький фрагмент «Слово против колдунов» (изд. в «Андэс амкореа», 1958, стр. 379—381).

2. К числу источников «Опровержения ересей» принадлежат три речи Теодора Мопсуестского «О религии персидских магов». Согласно патриарху Фотию, они были написаны по просьбе некоего хорепископа Мастубиоса (по Н. Адонцу—Маштоца). Таким образом, если Маштоц в какой-то мере принимал участие в деле создания этого важного труда, посвященного опровержению религии персов (зороастризма), то можно предположить, что он сам и должен был написать «Вопрошени», направленное против армянских языческих верований.

3. Примечателен и тот факт, что в середине века Григорию Просветителю были приписаны и «Речи» (*Վաճախիալիք եպոր*), которые, по мнению ряда арменоведов, также принадлежат перу Маштоца, и что Езник также использовал их в своем «Опровержении ересей».

L. S. KHATCHIKIAN

### LE „QUESTIONNAIRE“ ATTRIBUE A GREGOIRE LE PARTHE, PREMICES DE L’ECRITURE ARMENIENNE

Révélé par G. Ter-Mkrtschian et publié avec une traduction en français par N. Adontz (Revue de l’Orient Chrétien, troisième série, tome V (XXV), 1924—1926, n° 3—4, pp. 312—322), le „Questionnaire“ attribué à Grégoire l’Illuminatuer occupe une place importante parmi les sources de la „Réfutation des Sectes“ d’Eznik de Kolb.

Ce monument si précieux quant à l’histoire idéologique du féodalisme naissant, réfute les croyances païennes arméniennes à partir des principes de la religion chrétienne, en même temps qu’elle fournit nombre de renseignements de valeur sur le folklore arménien.

L’ouvrage de „la Réfutation des Sectes“ ayant été composé dans les années 40 du V<sup>e</sup> siècle, le „Questionnaire“, l’une de ses premières sources, le fut donc à l’aube de la littérature arménienne, c’est-à-dire dans les premières décennies du V<sup>e</sup> siècle.

Soulignant la valeur de cet important monument et rapportant de nouvelles données à l’appui de la thèse selon laquelle le „Questionnaire“ est indubitablement antérieur à la „Réfutation des Sectes“, l’auteur de l’article se propose de nous en révéler l’auteur qu’il assimile à Machtoz.

Cette assertion est confirmée par les faits suivants:

1) La lutte antipaïenne et la propagation de la religion chrétienne en Arménie étaient dirigées par Machtoz à qui l’on doit aussi d’autres ouvrages dont on ne conserve qu’un petit fragment: le „Discours contre les magiciens“ (publié dans la revue „Handes Amsorya“, 1958, pp. 379—381) où il s’élève contre les croyances païennes.

2) On retrouve dans les sources de la „Réfutation des Sectes“ trois discours de Théodore de Mopsueste intitulés „De la Religion des mages perses“. Selon le patriarche Photius, ces discours auraient été composés sur la demande d'un certain chorévêque du nom de Mastobios (Machtotz, d'après N. Adontz). Il est clair que si Machtotz a tant soit peu participé à la composition de cet ouvrage qui est une réfutation de la religion perse (zoroastrisme) on peut être en droit de penser qu'il fut l'auteur du „Questionnaire“ dirigé contre les croyances païennes d'Arménie.

3) Il est intéressant de remarquer qu'au moyen âge les „Discours“ (*«Βαδισματικά μυθών»*) étaient également attribués à Grégoire l'Illuminisateur, ouvrages qui de l'avis de quelques arménistes appartiennent à Machtotz et qu'Eznik utilisa dans sa „Réfutation des Sectes“.